


তিলোত্তমাসম্ভবকাব্য।

৩ মাইকেল মধুসূদন দত্ত

প্রণীত।

“উৎপৎসাতেহি নম কোইপি সমানধর্ম
কালো হুয়ং নিরবধিবিপুল। চ পৃথ্বী ॥”
ভবভূতিঃ।



চতুর্থ সংস্করণ।

কলিকাতা

শ্রীঅকণোদয় ঘোষাধ্বারা অপরিচিৎপুররোড ২৮৫ সংখ্যক
ভবনে বিদ্যারত্ন যন্ত্রে মুদ্রিত।

ভং ১৮৭৯ সাল।

তিলোত্তমাসম্ভব কাব্য ।

ওমাইকেল মধুসূদন দত্ত

প্রণীত ।

“উৎপৎসাতেহস্তি মম কোহপি সমানধর্মী ।
কালো হুয়ং নিরবধিবিপুলো চ পুংসী ॥”

ভবভূতিঃ ।



চতুর্থ সংস্করণ ।

কলিকাতা

শ্রীঅকণোদয় ঘোষদ্বারা অপরচিৎপুররোড ২৮৫ সংখ্যক
ভবনে বিদ্যারত্ন যন্ত্রে মুদ্রিত ।

ইং ১৮৭৯ সাল ।

CALCUTTA.

Published by Baney Madhub Dey & Co.

285, Upper Chitpore Road

বিজ্ঞাপন ।

সর্বসাধারণজনগণকে এতদ্বারা জ্ঞাত করা যাইতেছে, যে মৃত মহাত্মা মাইকেল মধুসূদন দত্ত প্রণীত প্রথম ও দ্বিতীয় ভাগ সটীক মেঘনাদবধ কাব্য, বীরঙ্গনা কাব্য, ব্রজাঙ্গনা কাব্য, তিলোত্তমাসম্ভব কাব্য, পাছাবলী নাটক, শর্মিষ্ঠা নাটক, কৃষ্ণকুমারী নাটক, চতুর্দশপদী কবিতাবলী, বুড়সালিকের ঘাড়ে রৌঁ এবং একেই কি বলে সভ্যতা ? ইত্যাদি পুস্তক মধুসূদন দত্ত স্বত্ব ও অন্যান্য যাবতীয় স্বত্ব আমি মেসর্স্ ডেকিঞ্জি ল্যাংলেন এণ্ড কোম্পানীর ১৮৭৪ সালের ২৩এ সেপ্টেম্বর তারিখের প্রকাশ্য নীলামে ক্রয় করিয়াছি। এক্ষণে ঐ সকল পুস্তক আমার এবং আমার উত্তরাধিকারিগণের স্বত্ব হইয়াছে ; অতএব যিনি উল্লিখিত পুস্তক মধুসূদন আমার কিম্বা আমার উত্তরাধিকারিগণের বিনা অনুমতিতে মুদ্রিত কি প্রকাশিত কিম্বা কোন অংশ উদ্ধৃত করিয়া অন্য পুস্তকে সংযোজিত করতঃ প্রকাশ কিম্বা কোন নাট্য শালায় অভিনয় করিবেন, তিনি গ্রন্থস্বত্বের অধিনায়ু সারে দণ্ডাই এবং ক্ষতিপূরণের দায়ী হইবেন।

শ্রীরাজকিশোর দে

কলিকাতা
২৫ সেপ্টেম্বর ১৮৭৪ সাল }

মঙ্গলাচরণ ।

মান্যবর শ্রীযুক্ত বাবু যতীন্দ্রমোহন ঠাকুর
মহোদয় সমীপেষু ।

বিনয় পুরঃসর নিবেদনমেতৎ,

যে উদ্দেশে তিলোত্তমার সৃষ্টি হয়, তাহা সকল হইলে, দেবরাজ
ইন্দ্র তাঁহাকে সূর্য্যমণ্ডলে প্রতিষ্ঠিত করেন । এই আদর্শের অনু-
করণে আমি এই অভিনব কাব্য আপনাকে সমর্পণ করিলাম ।
মহাশয় যদি অনুগ্রহ করিয়া ইহাকে আশ্রয় দেন, তাহা হইলে
আমি আমার এ পরিশ্রম সার্থক বোধ করিব ।

যে ছন্দোবন্ধে এই কাব্য প্রণীত হইল, তদ্বিষয়ে আমার কোন
কথাই বলা বাহুল্য; কেননা এরূপ পরীক্ষা-বৃক্ষের ফল সদ্যঃ পরি-
ণত হয় না । তথাপি আমার বিলক্ষণ প্রীতি হইতেছে যে এমন
কোন সময় অনশ্যই উপস্থিত হইবেক, যখন এদেশে সর্ব সাধারণ
জনগণ ভগবতী বাগ্‌দেবীর চরণ হইতে মিত্রাকর-স্বরূপ নিগড় ভগ্ন
দেখিয়া চরিতার্থ হইবেন । কিন্তু হয় ত সে শুভকালে এ কাব্য-
রচয়িতা এতাদৃশী ঘোরতর মহানিদ্ৰায় আচ্ছন্ন থাকিবেক, যে কি
ধিকার, কি ধন্যবাদ, কিছুই তাহার কাকূহরে প্রবেশ করিবেক না ।

সে যাহা হউক, এ কাব্য আমার নিকটে সর্বদা সমাদৃত থাকি-
বেক. যেহেতু মহাশয়ের পাণ্ডিত্য, গুণগ্রাহকতা, এবং বন্ধুতাপ্তনে
যে আমি কি পর্য্যন্ত উপকৃত হইয়াছি, এবং হইবারও প্রত্যাশা
করি. ইহা তাহার এক প্রধান অভিজ্ঞান-স্বরূপ । আক্ষেপের বিষয়
এই যে মহাশয় আমার প্রতি যে রূপ স্নেহভাব প্রকাশ করেন,
আমার এমন কোন গুণ নাই যদ্বারা আমি উহার যোগ্য হইতে
পারি । ইতি

গ্রন্থকারস্য ।

তিলোত্তমাসম্ভব কাব্য।

প্রথম সর্গ। (

ধবল নামেতে গিরি হিমাদ্রির শিরে
অভ্রভেদী, দেব-আত্মা, ভীষণদর্শন ;
সতত ধবলাকৃতি, অচল, অটল ;
যেন উর্দ্ধবাহু সদা, শুভ্রবেশধারী,
নিমগ্ন তপঃসাগরে ব্যোমকেশ শূলী—
যোগীকুলধ্যেয় যোগী ! নিকুঞ্জ কানন,
ভকরাজি, লতাবলী, মুকুল, কুমুম—
অন্যান্য অচলভালে শোভে যে সকল,
(যেন মরকতময় কনককিরীট)
না পরে এ গিরি, সবে করি অবহেলা,
বিমুখ পৃথিবীপতি পৃথ্বীস্থখে যেন
জিতেন্দ্রিয় ! সূনাদিনী বিহঙ্গিনীদল,
সূনাদী বিহঙ্গ, অলি মত্ত মধুলোভে,
কভু নাহি ভ্রমে তথা ! যুগেন্দ্র কেশরী,—
করীশ্বর,—গিরীশ্বরশরীর ষাহার,—

শার্দূল, ভল্লুক, বনচর জীব যত—
 বনকমলিনী কুরঙ্গিনী সুলোচনা,—
 ফণিনী মণিকুন্তলা, বিষাকর ফণী,—
 না যায় নিকটে তার—বিকট শেখর !
 অদূরে ঘোর তিমির গভীর গহ্বরে,
 কলকল করে জল মহাকোলাহলে,
 ভোগবতী শ্রোতস্বতী পাতালে যেমতি
 কল্লোলিনী , ঘন স্বনে বহেন পবন,
 মহাকাপে লয়কপে তনোগুণাশ্ৰিত,
 নিশ্বাস ছাড়ে ন যেন সর্পনাশকারী !
 দানব, মানব, যক্ষ, রক্ষ, দানবারি,—
 দানবী, মানবী দেবী. কিবা নিশাচরী,
 সকলেরি অগম—দুর্গম দুর্গ যেন !
 দিবানিশি মেঘরাশি উড়ে চারি দিকে,
 ভূতনাথসঙ্গে রঙ্গে নাচে ভূত যেন ।

এ হেন নির্জন স্থানে দেব পুরন্দর
 কেন গো বসিয়া আজি কহ পদ্মাসনা
 বীণাপাণি ৭ কবি, দেবি, তব পদাম্বুজে
 প্রণমি, জিহ্বাসে তোমা. কহ, দয়াময়ি !
 তব কৃপা—মন্দর দানব দেব বল,
 শেষের অশেষ দেহ—দেহ এ দাসেরে ;
 এ বাক্সাগর আমি মথি সযতনে,
 লভি. মা. কবিতামৃত—নিকপম সুধা !

অকিঞ্চনে কর দয়া, বিশ্ববিনোদিনি !
 যে শশীর স্থান, মাতঃ, স্থাগুর ললাটে,
 তাঁহারি আভায় শোভে ফুলকুলদলে
 নিশার শিশির বিন্দু, মুক্তাফল রূপে !
 কহ, সতি ;—কি না তুমি জান, জ্ঞানময়ি ?—
 কোথা সে ত্রিদিব, যার ভোগ লভিবারে
 কঠোর তপস্যা নর করে যুগে যুগে,
 কত শত নরপতি রত অশ্বমেধে—
 মগরবিপুলবংশ যে লোভেতে হত ?
 কোথা সে অমরাপুরী কনকনগরী ?
 কোথা বৈজয়ন্ত-ধাম স্তবর্ণ আলয়,
 প্রভায় মলিন যার ইন্দু, প্রভাকর ?
 কোথা সে কনকাসন, রাজহৃত্র কোথা,
 রবির পরিধি যেন মেক-শৃঙ্গোপরি—
 উভয় উজ্জ্বলতর উভয়ের তেজে ?
 কোথা সে নন্দনবন, স্তব্বের সদন ?
 কোথা পারিজাত-ফুল, ফুলকুলপতি ?
 কোথা সে উর্কশী, রূপে ঋষি-মনোহরা,
 চিত্রলেখা—জগৎজনের চিত্তে লেখা,
 মিশ্রকেশী—যার কেশ, কামের নিগড,
 কি অমরে, কিবা নরে, না বাঁধে কাহারে ?
 কোথায় কিম্বর ? কোথা বিদ্যাধর দল ?
 গন্ধর্ক—মদনগর্ক খর্ক যার রূপে ?

চিত্ররথ—কামিনীকুলের মনোরথ—
 মহারথী ? কোথা বজ্র, ভীমপ্রহরণ !
 যার দ্রুত ইরম্মদে, গভীর গর্জনে,
 দেব কলেবর কাঁপে করি থর থর ;
 ভূধর অধীর সদা, চমকে ভুবন
 আতঙ্কে ? কোথা সে ধনুঃ, ধনুঃকুলরাজা
 আভাময়, যার চাক-রত্ন-কাস্তিছটা
 শোভে গো গগণশিরে (মেঘময় যবে)
 শিখিপুচ্ছচূড়া যেন হৃষীকেশকেশে !
 কোথায় পুঙ্কর, আবর্তক—ঘনেশ্বর ?
 কোথায় মাতলি বলী ? কোথা সে বিমান,
 মনোরথ পরাজিত যে রথের বেগে—
 গতি, ভ্রান্তি—উভয়েতে তড়িৎ লাঞ্চিত ?
 কোথায় গজেন্দ্র ঐরাবত ? উচ্চৈঃশ্রবাঃ
 হরেশ্বর, আশুগতি যথা আশুগতি ?
 কোথায় পৌলোমী সতী, অনন্ত-যৌবনা,
 দেবেন্দ্র-হৃদয়-সরোবর-কমলিনী,
 দেব-কুল-লোচন—আনন্দময়ী দেবী,
 আয়তলোচনা ? কোথা স্বর্ণ কল্পতরু,
 কামদ বিধাতা যথা, যার পূতপদ
 আনন্দে নন্দনবনে দেবী মন্দাকিনী
 ধোন্ সদা প্রবাহিনী কলকল কলে ?—
 হায়রে, কোথায় আজি সে দেববিভব !

হায়রে, কোথায় আজি সে দেবমহিমা ।

ছুর্দাস্ত দানবদল, দৈববলে বলী,
 পরাভবি সুরদলে ঘোরতর রণে,
 পূরিয়াছে স্বর্গপুরী মহাকোলাহলে,
 বসিয়াছে দেবাসনে পামর দেবারি ।
 যথা প্রলয়ের কালে, কদ্রে নিশ্বাস
 বাতময়, উথলিলে জল সমাকুল,
 প্রবল তরঙ্গদল, তীর অভিক্রমি,
 বসুধার কুল্লল হইতে লয় কাড়ি
 স্তব্ধকুম্ম-লতা-মণ্ডিত মুকুট ;—
 যে সূচাক শ্যাম অঙ্গ ঋতুকুলপতি
 গাঁথি নানা ফুলমালা সাজান আপনি
 আদরে, হরে প্লাবন তার আভরণ ।

মহশ্বেক বৎসর যুঝিয়া দানবারি,
 প্রচণ্ড দিতিজ ভুজ প্রতাপে তাপিত,
 ভঙ্গ দিয়া বিমুখ হইলা সবে রণে—
 আকুল ! পাবক্ যথা, বায়ু যাঁর সখা,
 সর্কভুক্, প্রবেশিলে নিবিড় কাননে,
 মহাত্রাসে উর্দ্ধশ্বাসে পালায় কেশরী ;
 মদকল নগদল, চঞ্চল সভয়ে,
 করত করিণী ছাড়ি পালায় অমনি
 আশুগতি ; যুগাদন, শার্দূল, বরাহ,
 মহিম, ভীষণ খড়্গী—অক্ষয় শরীরী.

ভল্লুক বিকটাকার, ছুরন্ত হিংসক
 পালায় ভৈরবরবে ত্যজি বনরাজী ;—
 পালায় কুরঙ্গ রঙ্গরসে ভঙ্গ দিয়া,
 ভুজঙ্গ, বিহঙ্গ, বেগে খায় চারিদিকে ;—
 মহাকোলাহলে চলে জীবন-ভরঙ্গ,
 জীবনভরঙ্গ যথা পবনভাঙনে !

অব্যর্থ কুলিশে ব্যর্থ দেখি সে সমরে,
 পালাইলা পরিহারি সংগ্রাম কুলিশী
 পুরন্দর ; পালাইলা পানী দেখি পাশে
 ত্রিয়মাণ, মন্ত্র বলে মহোরগ যেন !
 পালাইলা যক্ষনাথ ভীম গদা ফেলি,
 করী যেন করহীন ! পালাইলা বেগে
 বাতাকারে মৃগপৃষ্ঠে বায়ুকুলপতি ;
 জরজর-কলেবর, ছুষ্ঠীম্বর শরে
 পালাইলা শিখি-পৃষ্ঠে শিখিবরাসন
 মহারথী ; পালাইলা মহিষ বাহনে
 সর্বঅস্তকারী যম, দন্ত কড়মড়ি,
 সাপটি প্রচণ্ড দণ্ড—ব্যর্থ এবে রণে ।

পালাইলা দেবগণ রণভূমি ত্যজি ;
 জয় জয় নাদে দৈত্য ভুবন পুরিল ।
 দৈববলে বলী পাপী, মহা অহঙ্কারে,
 প্রবেশিল স্বর্গপুরী—কনক নগরী,—
 দেবরাজাসনে, মরি, দেবারি বসিল !

হায়রে, যে রতির মৃগাল ভুজপাশ,
 (প্রেমের কুমুম ডোর,) বাঁধিত সভত
 মধুসখে, স্মরহর-কোপানল যেন
 বিরহ-অনল কপ ধরি, মহাতাপে
 দহিতে লাগিল এবে সে রতির হিয়া ।

সুন্দ উপসুন্দাসুর, সুরে পরাভবি,
 লগু ভগু করিল অখিল ভুমগুল ;
 ঔর্কখাষি ক্রোধানল পশি যেন জলে,
 জ্বালাইলা জলেশ্বরে, নাশি জলচরে ।
 তোমার এ বিধি, বিধি, কে পারে বুঝিতে,
 কিবা নরে, কি অমরে ? বোধাগম্য তুমি ?

তাজি দেববলদলে দেবদলপতি
 হিমাচলে মহাবল চলিলা একাকী ;
 যথা পক্ষিরাজ বাজ, নির্দয় কিরাত
 লুটিলে কুলায় তার পর্কত কন্দরে,
 শোকে অভিমানে মনে প্রমাদ গণিয়া,
 আকুল বিহঙ্গ, ভুজ-গিরি-শৃঙ্খোপরি,
 কিম্বা উচ্চশাখ বৃক্ষশাখে বসে উড়ি ;—
 ধবল অচলে এবে চলিলা বাসব ।
 বিপদের কালজাল আসি বেড়ে যবে,
 মহতজনভরসা মহত যে জন ।
 এই সুরপতি যবে ভীষণ অশনি—
 প্রহারে চূর্ণিয়াছিল শৈল-কুল-পাখা

হৈম, শৈলরাজসুত মৈনাক পশিলা
অভলজলধিতলে—মান বাঁচাইতে !

যথা ঘোরতর বাত্যা, অস্থিরি নির্ঘোষে
গভীর পয়োধি নীর, ধরি মহাবলে
জলচর কুলপতি মীনেন্দ্র তিমিরে,
ফেলাইলে তুলে কূলে মৎস্যনাথ তথা
অসহায় মহামতি হয়েন অচল ;
অভিমাণে শিলাসনে বসিলা আসিয়া
জিষ্ণু—অজিষ্ণু গো আজি দানব সংগ্রামে
দানবারি ! মহারথী বসিলা একাকী ;—
নিকটে বিকটবজ্র, ব্যর্থ এবে রণে,
কমল চরণে পড়ি যায় গড়াগড়ি,
প্রচণ্ড আঘাতে ক্রতশরীর কেশরী
শিখরী সমীপে যথা—ব্যথিত হৃদয়ে !
কনক-নির্মিত ধনু—রতন মণ্ডিত,
(কাদম্বিনী ধনী যারে পাইলে অমনি
যতনে সীমন্তদেশে পরয়ে হরষে)
অনাদরে শোভে, হায়, পর্কত শিখরে,
ধবলললাট দেশ উজলি স্মতেজে,
শশিকলা উমাপতি ললাট যেমতি ।
শূন্যতুণ—বারিশূন্য সাগর যেমনি,
যবে ঋষি অগস্ত্য শুধিলা জলদলে
ঘোররোষে ! শঙ্খ, যার নিনাদে আকুল

দৈত্যকুল—করী-অরি-নির্নাদে যেমতি
 করীষন্দ—নিরানন্দে নীরব সে এবে !
 হায়রে, অনাথ আজি ত্রিদিবের নাথ !
 হায়রে, গরিমাহীন গরিমা-নিধান !
 যে মিহির, তিমিরারি, কর-রত্ন-দানে
 ভূষেন রজনী-সখা, স্বর্ণতারাবলী,
 গ্রহরাশি,—রাহু আসি গ্রাসিয়াছে তাঁরে !

এবে দিনমণি দেব, যুত্-মন্দ-গতি,
 অস্তাচলে চালাইলা স্বর্ণ-চক্ররথ,
 বিশ্রাম বিলাস আশে মহীপতি যথা
 সাজ করি রাজ্য কার্য্য অবনী মণ্ডলে ।
 শুখাইল নলিনীর প্রফুল্ল আনন,
 দুকহ বিরহকাল কাল যেন দেখি
 সমুখে ! মুদ্রিলা আঁখি ফুলকুলেশ্বরী ।
 মহাশোকে চক্রবাকী অবাক্ হইয়া,
 আইল তরুর কোলে ভাসি নেত্রনীরে,
 একাকিনী—বিরহিণী—বিষণ্ণবদনা,
 বিধবা ছুহিতা যেন জনকের গৃহে ।
 যুত্‌হাসি শশী সহ নিশি দিলা দেখা,
 তারাময় সিঁথি পরি সীমন্তে সুন্দরী ;
 বন, উপবন, শৈল, জলাশয়, সরঃ,
 চন্দ্রিমার রজঃকান্তি কান্তিল সবারে ।
 শোভিল বিমলজলে বিধুপরায়ণা

কুমুদিনী ; স্থলে শোভে বিশদবসনা
 ধুতুরা চির ষোগিনী, অলি মধুলোভী
 কভু না পরশে যারে । উত্তরিলে ধীরে,
 বিরাম-দারিনী নিদ্রা—রজনীর সখী—
 কুহকিনী স্বপ্নদেবী স্বজনীর সহ ।
 বসুমতী সতী তাঁর চরণকমলে,
 জীবকুল লয়ে নমি নীরব হইলা ।

আইলা রজনী ধনী ধবল-শিখরে
 ধীরভাবে, ভীমা দেবী ভীম পাশে যথা
 মন্দগতি । গেলা সতী কৌমুদীবসনা
 শিলাতলে দেবরাজ বিরাজেন যথা ।
 ধরি পাদপদ্মযুগ করপদ্মযুগে,
 কাঁদিয়া সাষ্টাঙ্গে দেবী প্রণাম করিলা
 দেবনাথে । অশ্রু-বিন্দু, ইন্দ্রের চরণে
 শোভিল, শিশির যেন শতদলদলে,
 জাগান অকণে যবে উষা সাজাইতে
 একচক্ররথ, খুলি স্নুকমলকরে
 পূর্বাশারহৈমঘোর ! আইলেন এবে
 নিদ্রাদেবী, সহ স্বপ্ন-দেবী সহচরী,
 পুষ্পদাম সহ, আহা, সৌরভ যেমতি !
 যুত্ মন্দ গন্ধবহবাহনে আরোহি,
 আসি উত্তরিলে দোঁহে যথা বজ্রপাণি,
 কিন্তু শোকাকুল হেরি দেবকুলনাথে,

নিঃশব্দে বিনতভাবে দূরে দাঁড়াইলা,
 স্কন্ধরীমুদ্রা যথা নরেন্দ্র সমীপে
 দাঁড়ায়,—উজ্জ্বল স্বর্ণপুতলীর দল।
 হেরি অসুরারি দেবে শোকের সাগরে
 মগ্ন, মগ্ন বিশ্ব যেন প্রলয়সলিলে,—
 কাঁদিতে কাঁদিতে নিশি নিদ্রা পানে চাহি,
 সুমধুরস্বরে শ্যামা কহিতে লাগিলা ;—

“হায়, সখি, একি লীলা খেলিলা বিধাতা ?
 দেবকুলেশ্বর যিনি, ত্রিদিবের পতি,
 এই শিলাময় দেশ—অগম, বিজন,
 ভয়ঙ্কর—মরি ! একি সাজে লো তাঁহারে ?
 হায়রে, যে কল্পতরু নন্দনকাননে,
 মন্দাকিনী তটিনীর স্বর্ণতটে শোভে
 প্রভাময়, কে ফেলে লো উপাড়ি তাহারে
 মকভূমে ? কার বুক না ফাটে লো দেখি
 এ মিহিরে ডুবিতে এ তিমির সাগরে !”

কহিতে কহিতে দেবী শর্করী সুন্দরী
 কাঁদিয়া তারাকুসুমা ব্যাকুলা হইলা !
 শোকের তরঙ্গ যবে উথলে হৃদয়ে,
 ছিন্নতার বীণাসম নীরব রসনা ;—
 অরেরে দাক্ষণ শোক, এই তোঁর রীতি !

শুনি যামিনীর বাণী, নিদ্রাদেবী তবে
 উত্তর করিলা সতী অমৃতভাষিণী,

মধুপানে মাতি যেন মধুকরীশ্বরী
 মধুর গুঞ্জরে, আহা, নিকুঞ্জ পুরিলা ;—
 “ যা कहিলে সত্য, সখি, দেখি বুক ফাটে ;
 বিধির নির্বন্ধ কিন্তু কে পারে খণ্ডিতে ?
 আইস এবে তুমি, আমি, স্বপ্নদেবী সহ,
 কিঞ্চিৎ কালের তরে হরি, যদি পারি,
 এ বিষম শোকশেল, যতন করিয়া ।
 ডাক তুমি, হে স্বজনি, মলয় পবনে,
 বল ভারে স্নসৌরভ আশু আনিবারে ;
 कह তব স্নধাংগুরে স্নধা বরষিতে ।
 যাই আমি, যদি পারি, মুদি, প্রিয়সখি,
 ও সহস্র আঁখি, মন্ত্রবলে কি কৌশলে ।
 গড়ুক স্বপ্নদেবী মায়ার পৌলোমী—
 যুগাক্ষী, পীবরসুতনী, স্নবিশ্ব-অধরা,
 স্নশোভিত কবরী মন্দারে, ক্রশোদরী ;
 বেড়ুক দেবেস্ত্রে স্নজি মায়ার নন্দন ;
 মায়ার উর্কশী আসি, স্বর্গবীণা করে,
 গায়ুক মধুর গীত মধু পঞ্চস্বরে ;
 রস্তাউক রস্তা আসি নাচুক কৌতুকে ।
 যে অবধি, নলিনীর বিরহে কাতর,
 নলিনীর সখা আসি নাহি দেন দেখা
 কনক উদয়াচল শিখরে, উজলি
 দশ দিশ, হে স্বজনি, আইস তোমা দোঁহে,

সাধিতে এ কার্য মোরা করি প্রাণপণ ?”

তবে নিশি, সহ নিদ্রা, স্বপ্ন কুহকিনী,
হাত ধরাধরি করি, বেড়িলা বাসবে—

স্বর্ণ চম্পকদাম গাধি যেন রতি

দোলাইলা প্রাণপতি মদনের গলে !

ধীরভাবে দেবীদল, বেড়িয়া দেবেশে,

যাঁর যত তন্ত্র, মন্ত্র, ছিটা, ফোঁটা ছিল,

একে একে লাগাইলা ; কিন্তু দৈবদোষে,

বিফল হইল সব ; যামিনী অমনি,

চঞ্চল বিন্ময়ে দেবী, যুহু, কলস্বরে,—

একাকিনী, সূনাদিনী কপোতী যেমতি

কুহরে নিবিড় বনে—কহিতে লাগিলা ;—

“ কি আশ্চর্য, প্রিয়সখি, দেখিলাম আজি !

কেবা জিনে ত্রিভুবনে আমা তিন জনে ?

চিরবিজয়িনী মোরা যাই লো যে স্থলে !

সাগর মাঝারে, কিম্বা গহন বিপিনে,

রাজসভা, রণভূমে, বাসরে, আসরে,

কারাগারে, দুখে, সুখে, উভয় সদনে,

করি জয় স্বর্গে, মর্ত্যে, পাতালে, আমরা ;

কিন্তু সে প্রবল বল বৃথা হেথা এবে । ”

শুনি স্বপ্নদেবী হাসি—হাসে শশী যথা—

কহিলা শ্যামাস্বজনী রজনীর প্রতি ;

“ মিছে খেদ কেন, সখি, কর গো আপনি ?

দেবেন্দ্ররমণী ধনী পুলোমছুহিতা
 বিনা, আর কার সাধ্য নিবাহিতে পারে
 এ অলস্তু শোকানল ? যদি আজ্ঞা দেহ,
 যাই আমি আনি হেথা সে চাকহাসিনী ।
 হায়, সখি, পতিহীনা কপোতী যেমতি,
 তরুণ, শৃঙ্গধর সমীপে, বিলাপি
 চাহে কান্তে সীমন্তিনী, বিরহ বিধুরা,
 ভ্রান্তি দূতী সহ সতী ভ্রমেন জগতে,
 শোকে ! গুন মন দিয়া, রজনী স্বজনী,
 যদি আজ্ঞা কর তবে এখন যাইব । ”
 যাও বলি আদেশিলা শশাঙ্করঙ্গিণী ।
 চলিলা স্বপনদেবী নীলাশ্বর পথে—
 বিমল তরলতর রূপে আলো করি
 দশাংশ ; আশুগতি গেলা কুহকিনী,
 ভূপতিত ভার যেন উঠিল আকাশে ।
 গেলা চলি স্বপ্নদেবী মায়াবী স্তম্ভরী
 দ্রুতবেগে ; বিভাবরী নিদ্রাদেবী সহ
 বসিলা ধবলশৃঙ্গে ; আহা, কিবা শোভা !
 যুগলকমল, যেন জগৎ মোহিতে,
 ফুটিল এক মুণ্ডালে ক্ষীর সরোবরে !
 ধবল শিখরে বসি নিদ্রা, বিভাবরী,
 আকাশের পানে দোঁহে চাহিতে লাগিলা,
 হায়রে, চাতকী যথা সতৃষ্ণ নয়নে

চাহে আকাশের পানে জলধারা-আশে ।

আচম্বিতে পূর্বভাগে গগনমণ্ডল
উজ্জ্বলিল, যেন দ্রুত পাবকের শিখা,
ঠেলি ফেলি দুই পাশে তিমির তরঙ্গ,
উঠিল অম্বর পথে ; কিম্বা ত্রিষাম্পতি
অরুণ সারথি সহ স্বর্ণচক্র রথে
উদয় অচলে আমি দরশন দিলা ।
শতেক যোজন বেড়ি আলোক মণ্ডল
শোভিল আকাশে, যেন রঞ্জনের ছটা
নীলোৎপল দলে, কিম্বা নিকষে যেমতি
স্বর্ণের রেখা—লেখা বক্র চক্ররূপে ।
এ সুন্দর প্রভাকর পরিধি মাঝারে,
মেঘাসনে বসি ওগো কোন সতী ওই ?
কেমনে, কহ, মা, শ্বেতকমলবাসিনি,
কেমনে মানব আমি চাব ওঁর পানে ?
রবিচ্ছবি পানে, দেবি, কে পারে চাহিতে ?
এ দুর্বল দাসে কর তব বলে বলী ।

চরণ যুগল শোভে মেঘবর শিরে,
নীলজলে রক্তোৎপল প্রফুল্লিত যথা,
কিম্বা মাধবের বুকে কৌস্তভ রতন ।
দশচন্দ্র পড়ি রে রাজীব পদতলে,
পূজাছিলে বসে তথা—সুখের সদন ।
কাঞ্চন মুকুট শিরে—দিনমণি তাহে

মণিকপে শোভে ভানু ; পৃষ্ঠে মন্দ দোলে
 বেণী,—কামবধু রতি যে বেণী লইয়া
 গড়েন নিগড় সদা বাঁধিতে বাসবে !
 অনন্ত-যৌবন দেব, বসন্ত যেমনি
 সাজায় মহীর দেহ সুমধুরমাসে,
 উল্লাসে ইন্দ্রাণী পাশে বিরাজে সতত
 অনুচর, যোগাইয়া বিবিধ ভূষণ !
 অলিপংক্তি,—রতিপতি ধনুকের গুণ,—
 সে ধনুরাকার ধরি বসিয়াছে সুখে
 কমল নয়ন যুগোপরি, মধু আশে
 নীরব !—হায় রে মরি ! এ তিন ভুবনে
 কে পারে ফিরাতে আঁখি হেরি ও বদন !
 পদ্মরাগ খচিত, পদ্মের পর্নসম
 পটবস্ত্র ; সু-অঞ্চলে জ্বলে রত্নাবলী,
 বিজলীর বলা যেন অচঞ্চল সদা !
 সে আঁচল ইন্দ্রাণীর পানস্তনোপরি
 ভাতে, কামকেতু যথা যবে কামসখা
 বসন্ত, হিমাস্তে, তারে উড়ায় কোঁতুকে !
 ভুবনমোহিনী দেবী, বসি মেঘাসনে,
 আইলা অম্বরপথে মৃদুমন্দগতি,—
 নীলাশু সাগর মুখে নীলোৎপল দলে
 যথা রমা সুকেশিনী কেশববাসনা,
 সুরাসুর মিলি যবে মথিলা সাগরে !

হায়, ও কি অশ্রু কবি হেরে ও নয়নে ?
 অরেরে বিকট কীট, নিদাকণ শোক,
 এ হেন কোমল ফুলে বাসা কিরে তোর—
 সর্বভুক্ সম, হায়, তুই ছুরাচার
 সর্বভুক্ ? শূন্যমার্গে কাঁদেন বিষাদে
 একাকিনী স্বরীশ্বরী ! চল, ঘনপাতি !
 ঘন কুলোত্তম তুমি, উড় ড্রুতবেগে ।
 তুমি হে গন্ধমাদন, তোমার শিখরে
 ফলে সে দুর্লভ স্বর্ণলতিকা, পরশে
 যাহার, শোকের শক্তি-শেলাঘাত হতে
 লভিবেন পরিত্রাণ বাসব স্মৃতি !

আইলা পৌলোমী সতী মেঘাসনে বসি,
 তেজোরশি-বেষ্টিতা ; নাদিল জলধর ;
 সে গভীর নাদ শুনি, আকাশসম্ভবা
 প্রতিধ্বনি সপুলকে বিস্তারিলা তারে
 চারিদিকে ; কুঞ্জবন, কন্দর, পর্বত,
 নিবিড় কানন, দূর নগর, নগরী,
 সে স্বর তরঙ্গ রঞ্জে পুরিল সবারে ।
 চাতকিনী জয়ধ্বনি করিয়া উড়িল
 শূন্য পথে, হেরি দূরে প্রাণনাথে যথা
 বিরহবিধুরা বালা, ধায় তার পানে ।
 নাচিতে লাগিল মত্ত শিখিনী স্মৃথিনী ;
 প্রকাশিল শিখী চাক চন্দ্রক কলাপ ;

বলাকা, মালায় গাঁথা, আইলা ত্বরিতে
 যুড়িয়া আকাশপথ ; স্তব্ধ কন্দলী—
 ফুলকুলবধু সতী, সদা লজ্জাবতী,
 মাথা তুলি শূন্যপানে চাহিয়া হাসিল ;
 গোপিনী শুনি যেমনি মুরলীর ধনি,
 চাহে গো নিকুঞ্জ পানে, যবে ব্রজধামে,
 দাঁড়ায়ে কদম্বমূলে যমুনার কূলে,
 মৃদুস্বরে মৃন্দরীরে ডাকেন মুরারি ।

* ঘনাসন ত্যজি আশু নামিলা ইন্দ্রাণী
 ধবলের পদদেশে । একি চমৎকার ?
 প্রলাকীর্ণ, ভেজোময় কনকমণ্ডিত
 সোপান দেখিলা দেবী আপন সম্মুখে—
 নগি মুক্তা হীরক খচিত শত সিঁড়ি
 গড়ি যেন বিশ্বকর্মা স্থাপিলা সেখানে ।
 উঠিলেন ইন্দ্রপ্রিয়া মৃদু মন্দ গতি
 ধবল শিখরে সতী । আচম্বিতে তথা
 নয়ন-রঞ্জন এক নিকুঞ্জ শোভিল ।
 বিবিধ কুম্ভজাল, স্তবকে স্তবকে,
 বনরত্ন, মধুর সর্কস্ব, স্মরধন,
 বিকশিয়া চারিদিকে হাসিতে লাগিল—
 নীলনভস্থলে হাসে তারাদল যথা ।
 মধুকর-নিকর আনন্দধনি করি
 মকরন্দ লোভে অন্ধ আসি উতরিলা ;

বসন্তের কলকণ্ঠ গায়ক কোকিল
 বরষিলা স্বরসুধা ; মলয় মাকত—
 ফুল-কুল-নায়ক প্রবর সমীরণ—
 প্রতি অনুকুল-ফুল-শ্রবণ-কুহরে
 প্রেমের রহস্য আসি কহিতে লাগিলা ;
 ছুটিল সৌরভ যেন রত্নির নিশ্বাস,
 মন্থথের মন যবে মথেন কাগিনী
 পাতি প্রণয়ের ফাঁদ প্রণয়কৌতুকে
 বিরলে ! বিশাল তরু, ব্রততীরমণ,
 মঞ্জরিত ব্রততীর বাহু পাশে বাঁধা.
 দাঁড়াইল চারিদিকে, বীরহৃন্দ যথা ;
 শত শত উৎস, রজস্বস্তুর অকারে
 উঠিয়া আকাশে, মুক্তাফল কলরবে
 বরষি, আর্দ্রিল অচলের বক্ষঃস্থল ।
 সে সকল জল বিন্দু একত্র মিশিয়া ;
 সৃজিল সত্বর এক রম্য সরোবর
 বিমল-সলিল-পূর্ণ ; সে সরে হাসিল
 নলিনী, ভুলিয়া ধনী তপন-বিরহ
 ক্ষণকাল ! কুমুদিনী, শশাঙ্ক রঞ্জিনী,
 সুখের তরঙ্গে রঙ্গে ফুটিয়া ভাসিল !
 সে সরোদর্পণে তারা, তারানাথ-সহ,
 স্তবরল জলদলে কান্তি রজতেজে,
 শোভিল পুলকে—যেন সূতন গগণে !

অবিলম্বে শশ্বরারি সখা ঋতুপতি
উতরিল। সস্তাষিতে ত্রিদিবের দেবী ।—

কার সঙ্গে এ কুঞ্জের দিব রে তুলনা ?
প্রাণপতি-সহ রতি ভুঞ্জে রতি যথা,
কিছার সে কুঞ্জবন এ কুঞ্জের কাছে ।
কালিন্দী আনন্দময়ী তটিনীর তটে
শোভে যে নিকুঞ্জবন—যথা প্রতিধ্বনি,
বংশীধ্বনি শূনি ধনী—আকাশছুহিতা—
শিখে সদা রাখানাম মাধবের মুখে,
এ কুঞ্জের সহ তার তুলনা না খাটে ।
কি কহিবে কবি তবে এ কুঞ্জের শোভা ?
প্রমদার পাদপদ্ম-পরশে অশোক
স্বখে প্রসূনের হার পরে তরুণ ;
কামিনীর বিধুমুখ-শীধু-সিক্ত হলে,
বকুল, ব্যাকুল তার মন রঞ্জাইতে,
ফুল আভরণে ভূষে আপনার বপু
হরষে, নাগর যথা প্রেমলাভ আশে ;—
কিন্তু আজি ধবলের হের বাজি খেলা ।
অরেরে বিজন, বক্ষ্য, ভয়ঙ্কর গিরি,
হেরি এ নারীন্দু-পদ অরবিন্দ-যুগ,
আনন্দ-সাগর-নীরে মজিলি কি তুই ?
স্বরহর দিগম্বর, স্মর প্রহরণে,
হৈমবতী-সতী-কপ-মাধুরী দেখিয়া,

ଯାତିଲା କି କାମମଦେ ତପ ଯାଗ ଛାଡ଼ି ?
 ତ୍ୟାଜି ଭସ୍ମ, ଚନ୍ଦନ କି ଲେପିଲା ଦେହେତେ ?
 ଫେଲି ଦୂରେ ହାଡ଼ିମାଳା, ରତ୍ନ କଣ୍ଠମାଳା
 ପରିଲା କି ନୀଳକଣ୍ଠେ, ନୀଳକଣ୍ଠ ଭବ ?—
 ଧନ୍ୟ ରେ ଅଜ୍ଞନାକୂଳ, ବଳିହାରୀ ତୋରେ !

ପ୍ରବେଶିଲା କୁଞ୍ଜବନେ ପୋଲୋମୀ ସୁନ୍ଦରୀ ;
 ଅଳିକୂଳ ବାଞ୍ଛାରିଲା ବାଁକେ ବାଁକେ ଉଡ଼ି,
 ମକରନ୍ଦ ଗନ୍ଧେ ଯେନ ଆକୂଳ ହୁଏ,
 ବେଢ଼ିଲ ବାସବ ହୃଦ-ସରସୀ ପଦ୍ମିନୀରେ,
 ସ୍ଵର୍ଗେର ଲାଭିତେ ସୁଖ ସ୍ଵର୍ଗପୁରୀ ଯଥା
 ବେଢ଼େ ଆସି ଦୈତ୍ୟଦଳ ! ଅଦୂରେ ସୁନ୍ଦରୀ
 ମନୋରମ ପଥ ଏକ ଦେଖିଲା ସମ୍ମୁଖେ ।
 ଉଭୟ ପାର୍ଶ୍ଵେ ଶୋଭେ ଦୀର୍ଘ ତରୁରାଜୀ,
 ଯୁକ୍ତଲିତ-ସୁବର୍ଣ୍ଣ-ଲତ୍ତିକା-ବିଭୂଷିତ,
 ବୀର-ଦେହେ ଶୋଭେ ଯଥା କନକେର ହାର
 ଚକ୍ରମକି ! ଦେବଦାକ—ଶୈଳ ଶୂଞ୍ଜ ଯଥା
 ଉଚ୍ଚତର ; ଲତାବଧୁ-ଲୀଳାମା ରମାଳ,
 ରମେର ମାଗର ତରୁ ; ମୌଳ—ମଧୁକ୍ରମ ;
 ଶୋଭାଞ୍ଜନ—ଜଟାଧର ଯଥା ଜଟାଧର
 କପର୍ଦ୍ଦୀ ; ବଦରୀ—ସାର ସ୍ନିହ ତଳେ ବସି,
 ଦ୍ଵିପାୟନ, ଚିରଜୀବୀ ଯଶଃସୁଧା ପାନେ,
 କହେନ ମଧୁରସ୍ଵରେ, ଭୁବନ ମୋହିୟା,
 ମହାଭାରତେର କଥା ! କଦମ୍ବ ସୁନ୍ଦର—

করি চুরি কামিনীর সুরভি নিশ্বাস
 দিয়াছে মদন যার কুসুম-কলাপে,
 কেননা মন্থণমন মথেন যে ধনী,
 তাঁর কুটাকার ধরে সে ফুল-রতন !
 অশোক—বৈদেহি, হায়, তব শোকে, দেবি,
 লোহিত বরণ আজু প্রমূন যাহার
 যথা বিলাপীর আঁখি ! শিমূল—বিশাল
 বৃক্ষ, ক্ষত দেহ যেন রণক্ষেত্রে রথী
 শোণিতার্দ্ৰ ! সুইঙ্গুদী, তপোবন বাসী
 তাপস্ ; শল্মলী ; শাল ; তাল, অভ্রভেদী
 চূড়াধর ; নারিকেল, যার স্তনচয়
 মাতৃদুঃসম রসে তোষে তৃষাতুরে !
 গুবাক ; চালিতা ; জাম, সুভ্রমর কপী
 ফলযার ; উর্দ্ধশির তেতুল ; কাঁঠাল,
 যার ফলে স্বর্ণকণা শোভে শত শত
 ধনদের গৃহে যেন ! বংশ, শতচূড়,
 যাহার ছহিতা বংশী, অধরপরশে,
 গায় রে ললিত গীত সুমধুরস্বরে !
 খঙ্কুর, কুস্তীরনিভ ভীষণ সুরভি,
 তবু মধুরসে পূর্ণ ! সতত থাকে
 সুগুণ কুদেহে ভবে বিধির বিধানে !
 তমাল—কালিন্দীকূলে যার ছায়া তলে
 সরস বসন্তকালে রাধাকান্ত হরি

নাচেন যুবতী সহ ! শমী—বরাঙ্গনা,
 বন-জ্যোৎস্না ! আমলকী—বনস্থলী সখী ;
 গাঙ্গারী—রোগান্তকারী যথা ধন্বন্তরি—
 দেবতা কুলের বৈদ্য ! আর কব কত ?

চলিল দেব-কামিনী মরাল-গামিনী ;
 কণ্ঠধ্বনি করি কিঙ্কিণী বাজিল ;
 শুনি সে মধুর বোল তরুদল যত,
 রতিভ্রমে পুষ্পাঞ্জলি শত হস্ত হতে
 বরষি, পূজিল স্তব্ধে রাঙা পা দুখানি ।
 কোকিল কোকিলা-সহ মিলি আরস্তিল
 মদন-কীৰ্ত্তন-গান ; চলিল রূপসী—
 যেখানে সুরাঙ্গাপদ অর্পিলা ললনা,
 কোকনদকুল ফুটি শোভিল সেখানে !

অদূরে দেখিলা দেবী অতি মনোহর
 হৈম, মরকতময়, চাক সিংহাসন ;
 তাহার উপরে তরু-শাখাদল মিলি,
 আলিঙ্গিয়া পরস্পরে, প্রসারে কোতুকে
 নবীনপল্লবছত্র, প্রবালে খচিত,
 বেষ্টিত মাণিকরূপী মুকুলঝালরে ;
 স্তম্ভ পীতাম্বরশিরে অনন্ত যেমতি
 (ফণীন্দ্র) অযুত ফণা ধরেন যতনে !
 চারি দিকে ফুটে ফুল ; কিংশুক, কেতকী,
 স্মর প্রহরণ উভে ; কেশর সুন্দর—

রতিপতি করে যারে ধরেন আদরে,
 ধরেন কনকদণ্ড মহীপতি যথা ;
 পাটলি—মদন-তুণ, পূর্ণ ফুল-শরে ;
 মাধবিকা—যার পরিমল-মধু-আশে,
 অনিল উন্নত সদা ; নবীনা মালিকা—
 কানন আনন্দময়ী ; চাক গন্ধরাজ—
 গন্ধের আকর, গন্ধ-মাদন যেমতি ;
 চম্পক—যাহার আভা দেবী কি মানবী,
 কেনা লোভে ত্রিভুবনে ? লোহিত লোচনা
 জবা—মহিষমর্দিনী আদরেন যারে ;
 বকুল—আকুল অলি যার স্বসৌরভে ;
 কদম্ব—যাহার কান্তি দেখি, স্মখে মজি,
 রতির কুচ-যুগল গড়িল বিধাতা ;
 রজনীগন্ধা—রজনী-কুন্তল-শোভিনী,
 শ্বেত, তব শ্বেতভূজ যথা, শ্বেতভূজে !
 কর্ণিকা—কোমল উরে যাহার বিলাসী
 (তপন তাপেতে তাপী) শিলীমুখ, স্মখে
 লভে সুবিরাম, যথা বিরাজেন রাজা
 সুপট-শয়নে ; হায়, কর্ণিকা অভাগা !
 বরবর্ণ হুথা যার সৌরভ বিহনে,
 সতীত্ব বিহনে যথা যুবতীযৌবন !
 কামিনী—যামিনী-সখী, বিশদ-বসনা
 ধৃতুরা যোগিনী যথা, কিন্তু রতি-দ্রুতী।

রতি কাম-সেবায় সতত ধনী রত !
 পলাশ—প্রবালে গড়া কুণ্ডলের রূপে
 বালকে যে ফুল বনস্থলী-কর্ণ-মূলে ;
 তিলক—ভানী ভালে শশিকলা যথা
 সুন্দর ! ঝুমুকা—যার চাক মূর্তি গড়ি
 সুধর্মে, প্রমদা কর্ণে পরে মহাদরে !—
 আর আর ফুল যত কে পারে বর্ণিতে ?

এ সব ফুলের মাঝে দেখিলা রূপসী
 শোভিছে অঙ্গনা কুল, ফুলকি হরি,
 রূপের আভায় আলো করি বনরাজী ;—
 পর্কততুহিতা সবে—কনক-পুতলী,
 কমলবসনা, শিরে কমলকিরীট,
 কমল ভূষণা, কমলায়ত-নয়না,
 কমলময়ী যেমনি কমল-বাসিনী
 ইন্দির ! কাহার করে হৈম ধূপদান,
 তাহে পুড়ি গন্ধরস, কুন্দুক, অঙ্কুর,
 গন্ধামোদে আমোদিছে স্নিকুঞ্জবন,
 যেন মহাব্রতে ব্রতী বসুন্ধরা-পতি
 ধবল, ভূধরেশ্বর ! কার হাতে শোভে
 স্বর্ণথালে পাদ্য অর্ঘ্য ; কেহ বা বহিছে
 মণিময় পাত্রে ভরি মন্দাকিনী-বারি,
 কেহ বা চন্দন, চূয়া, কস্তুরী, কেশর,
 কেহ বা মন্দারদাম—তারাময় মালা !

যুদ্ধ বাজায় কেহ রঙ্গরসে চলি ;
 কোন ধনী, বীণাপাণি-গঞ্জিনী, পুলকে
 ধরি বীণা, বরিষিছে সুমধুর ধনি ;
 কামের কামিনী সমঃ কোন দামা ধরে
 রবাব, সঙ্গীতরসরসিত্ত অর্গব ;
 বাজে কপিনাশ—ছুঃখনাশ যার রবে ;
 সপ্তস্বর, সুমন্দিরা, আর যন্ত্র যত ;—
 তধুর,—অম্বরপথে গস্ত্রীরে যেমতি
 গরজে জীমূত, নাচাইয়া ময়ূরীরে ।

দেখিয়া সতীরে, যত পার্শ্বভী যুধতী.
 নৃত্য করি মহানন্দে গাইতে লাগিল,
 যথা যবে, আশ্বিন, হে মাস-বংশ-রাজা,
 আন তুমি গিরি গৃহে গিরীশ-তুহিতা
 গৌরী, গিরিরাজ রাণী মেনকা সুন্দরী,
 সহ সহচরীগণ, তিত্তি নেত্রনীরে,
 নাচেন গায়েন সুখে ! হেরিয়া শচীরে,
 অচিরে পার্শ্বভীদল গীত আরম্ভিল।
 “স্বাগত, বিধুবদনা, বাসব-বাসনা !
 অমরাপুরী ঈশ্বরী !” এ পর্কত দেশে
 স্বাগত, ললনা, তুমি ! তব দরশনে,
 ধনল অচল আজি অচল হরষে !
 শৈলকুল-শক্র শক্র, তব প্রাণপতি ;
 কিন্তু যুথনাথ যুঝে যুথনাথ সহ—

কেশরী কেশরী সঙ্গে যুদ্ধ রঙ্গে রত ।
 আইস, হে লাবণ্যবতি, ছুহিতা যেমতি,
 আইসে নিজ পিত্রালয়ে নির্ভয় হৃদয়ে,
 কিম্বা বিহঙ্গিনী যথা বিপদের কালে,
 বহুবাহু তরু-কোলে ! যার অশ্বেষণে
 ব্যগ্র তুমি, সে রতনে পাইবা এখনি—
 দেখ তব পুরন্দরে ওই সিংহাসনে !,

নীরবিলা নগবালাদল, অরবিন্দ-
 ভূষণা । সম্মুখে দেবী কনক-আসনে,
 নন্দন কাননে যেন, দেখিলা বাসবে ।
 অমনি রমণী, হেরি হৃদয়-রমণে,
 চলিলা দেবেশ-পাশে সত্বর-গামিনী,
 প্রেম কুতুহলে ; যথা বরিষার কালে,
 শৈবলিনী, বিরহ-বিধুরা, ধায় রড়ে
 কল কল কলরবে সাগর উদ্দেশে,
 মজিতে প্রেমতরঙ্গ-রঙ্গে তরঙ্গিনী ।

যথা শুনি চিত্ত-বিনোদিনী বীণাধনি,
 উল্লাসে ফণীন্দ্র জাগে, শুনিয়া অদূরে
 পৌলোমীর পদ-শব্দ—চির পরিচিত—
 উঠিলেন শচীপতি শচী-সমাগমে !
 উন্মীলিলা আখণ্ডল সহস্র লোচন,
 যথা নিশা অবসানে মানসমুসরঃ
 উন্মীলে কমল-কুল ; কিম্বা যথা যবে

রজনী শ্যামাঙ্গী ধনী আইসে যুঁহুগতি,
 খুলিয়া অযুত আঁখি গগণ কোতুকে
 সে শ্যাম বদন হেরে—ভাসি প্রেম রসে !
 বাহু পসারিয়া দেব ত্রিদিবের পতি
 বাঁধিলা প্রণয়পাশে চাকহাসিনীয়ে
 যতনে, রতনাকর শশিকলা যথা,
 যবে ফুল-কুল-সখী হৈমময়ী উষা
 মুক্তাময় কুণ্ডল পরান ফুলকুলে !

“কোথা সে ত্রিদিব, নাথ ?”—ভাসি নেত্রনীয়ে
 কহিতে লাগিল। শচী—“ দাক্ষণ বিধাতা
 হেন বাম মোর প্রতি কিসের কারণে ?
 কিন্তু এবে, হে রমণ, হেরি বিধুমুখ,
 পাশরিল দাসী তার পূর্ব দুঃখ যত !
 কি ছার সে স্বর্গ ? ছাই তার সুখভোগে !
 এ অধিনী স্থখিনী কেবল তব পাশে !
 বাঁধিলে শৈবলহৃন্দ সরের শরীর,
 নলিনী কি ছাড়ে তারে, ? নিদাঘ যদ্যপি
 শুখায় সে জল, তবে নলিনীও মরে !
 আমি হে তোমারি, দেব !”—কাঁদিয়া কাঁদিয়া,
 নীরবিলা চন্দ্রানন। অশ্রুময় আঁখি ;—
 চুস্বিলা সে সাক্ষ্য আঁখি দেব অসুরারি
 সোহাগে,—চুস্বয়ে যথা মলয় অনিল
 উজ্বল শিশির-বিন্দু কমল-লোচনে !

“তোমাতে পাইলে, প্রিয়ে, স্বর্গের বিরহ
 দুঃখ কি ভাবে কভু তোমার কিঙ্কর ?
 তুমি যথা স্বর্গ তথা !”—কহিলা সুস্বরে
 বাসব, হরষে যথা গরজে কেশরী
 ক্রশোদর, হেরি বীর পর্কত কন্দরে
 কেশরিণী কামিনীরে ;—কহিলা সুমতি,—

“ তুমি যথা স্বর্গ তথা, ত্রিদিবের দেবি !
 কিন্তু, প্রিয়ে, কহ এবে কুশল ভারতা !
 কোথা জলনাথ ? কোথা অলকার পতি ?
 কোথা ঠৈমবতীসুত ভারকসুদন,
 শমন, পবন, আর যত দেব-নেতা ?
 কোথা চিত্ররথ ? কহ, কেমনে জানিলা
 ধবল আশ্রয়ে আমি আশ্রয়ী, সুন্দরী ?”

উত্তর করিলা দেবী পুলোম-চুহিতা—
 মৃগাক্ষী, বিশ্ব-অধরা, পীনপয়োধরা,
 ক্রশোদরী ;—“মম ভাগ্যে, প্রাণ-সখা, আজি
 দেখা মোর শূন্যমার্গে স্বপ্নদেবী-সহ !
 পুঙ্করের পৃষ্ঠে বসি, সৌদামিনী যেন,
 ভ্রমিতেছি নু এ বিশ্ব অনাথা হইয়া,
 স্বপ্ন মোরে দিল, নাথ, তোমার ভারতা !
 সমরে বিমুখ, হায়, অমরের সেনা,
 ব্রহ্ম-লোকে স্মরে তোমা ; চল, দেবপতি,
 অনতিবিলম্বে, নাথ, চল, মোর সাথে !”

শুনি ইন্দ্রাণীর বাণী, দেবেন্দ্র অমনি
স্বরীলা বিমানবরে ; গস্তীর নিনাদে
আইল রথ, তেজঃপুঞ্জ, সে নিকুঞ্জ বনে ।
বসিলা দেবদম্পতী পদ্মাসনোপরে ।
উঠিল আকাশে গর্জি স্বর্ণ ব্যোমযান,
আলো করি নভস্তল, বৈনভেয় যথা
সুধানিধিসহ সুধা বহি সযতনে ।

ইতি শ্রীতিলোত্তমাসম্ভব কাব্যে ধবল-শিখরো-নাম
প্রথম সর্গ ।

দ্বিতীয় সর্গ ।

কোথা ব্রহ্মলোক ? কোথা আমি মন্দমতি
 অকিঞ্চন ? যে দুর্লভ লোক লভিবারে
 যুগে যুগে যোগীন্দ্র করেন মহা যোগ,
 কেমনে, মানব আমি, ভব মায়াজালে
 আবৃত পিঞ্জরাবৃত বিহঙ্গ যেমতি,
 যাইব সে মোক্ষধামে ? ভেলায় চড়িয়া,
 কে পারে হইতে পার অপার সাগর ?
 কিন্তু, হে সারদে, দেবি বিশ্ববিনোদিনি,
 তব বলে বলী যে, মা, কি অসাধ্য ভার
 এ জগতে ? উর তবে, উর পদ্মালয়া
 বীণাপাণি ! কবির হৃদয়-পদ্মাসনে
 অধিষ্ঠান কর উরি ! কল্পনা-সুন্দরী—
 হৈমবতী কিঙ্করী তোমার, শ্বেতভুজে,
 আন সঙ্গে, শশিকলা কোমুদী যেমতি ।
 এ দাসেরে বর যদি দেহ গো, বরদে,
 তোমার প্রসাদে, মাতঃ, এ ভারতভূমি
 শুনিবে, আনন্দার্ণবে ভাসি নিরবধি,
 এ মম সঙ্গীত ধ্বনি মধু হেন মানি !

উঠিল অন্বরপথে হৈম ব্যোমধান
 মহাবেগে, ঐরাবত সহ সৌদামিনী

বহি পয়োবাহ যথা ; রথ-চূড়া শিরে
 শোভিল দেব-পতাকা, বিদ্যুৎ আকৃতি,
 কিন্তু শান্তপ্রভাময় ; ধাইল চৌদিকে—
 হেরি সে কেতুর কান্তি, ভ্রান্তি মদে মাতি,
 অচলা চপলা তারে ভাবি, দ্রুতগামী
 জীমূত, গম্ভীরে গর্জি, লভিবার আশে
 সে সুরসুন্দরী,—যথা স্বয়ম্বরস্থলে,
 রাজেন্দ্রমণ্ডল, স্বয়ম্বর-কপবতী-
 কপমাধুরীতে অতি মোহিত হইয়া,
 বেড়ে তারে,—জরজর পঞ্চশর-শরে !
 এই কপে মেঘদল আইল ধাইয়া,
 হেরি দূরে সে সুরকেতু রতনের ভাতি ;
 কিন্তু দেখি দেবরথে দেবদম্পতীরে,
 সিংহরি অম্বরতলে সার্থীক্কে পড়িল
 অমনি ! চলিল রথ মেঘময় পথে—
 আনন্দময়-মদন-সুন্দন যেমনি
 অপরাজিতা-কাননে চলে মধুকালে
 মন্দগতি ; কিম্বা যথা সেতু-বন্ধোপরে
 কনক পুষ্পক, বহি সীতা সীতানাথে !

এড়াইয়া মেঘমালা, মাতলি সারথি
 চালহিলা দেব যান তৈরব আরবে ;
 শুনি সে তৈরবারব দিগ্ধারণ যত—
 ভীষণ মুরতিধর—কষি হুঙ্কারিল

চারিদিকে ; চমকিল জগত ! বাসুকি
 অস্থির হইলা ত্রাসে ! চলিল বিমান ;—
 কত দূরে চন্দ্র-লোক অশ্বরে শোভিল,
 রজস্বীপ নীলজলে । সে লোকে পুলকে
 বসেন রতনাসনে কুমুদবাসন,
 কার্মিনী-কুলের সখী-যামিনীর সখা,
 মদনরাজার বঁধু, দেব স্মধানিধি
 স্মধাংশু । বরবর্গিনী দক্ষের ছুহিতা-
 বৃন্দ বেড়ে চন্দ্রে যেন কুমুদের দাম
 চির বিকচিত, পুরি আকাশ সৌরভে—
 কপের আভায় মোহি রজনীমোহনে ।
 হেম হর্ম্যে—দিবানিশি যার চারি পাশে
 ফেরে অগ্নিচক্র রাশি মহাভয়ঙ্কর—
 বিরাজয়ে স্মধা, যথা মেঘবর কোলে
 চপলা, বা অবরোধে যথা কুলবধু—
 ললিতা, ভুবনম্পৃহা, প্রফুল্ল যৌবনা ;
 নারী অরবিন্দ সহ ইন্দু মহামতি,
 হেরি ত্রিদিবের ইন্দ্রে দূরে, প্রণমিলা
 নম্রভাবে ; যথা যবে প্রলয় পবন
 নিবিড় কাননে বহে, তরু কুলপতি
 ব্রততী স্মন্দরীদল শাখাবলী সহ,
 বন্দে নমাইয়া শির অজেয় মাকতে ।

এড়াইয়া চন্দ্রলোকে, দেবরথ ক্রতে

• উত্তরিল বসে যথা রবির মণ্ডলী
 গগনে । কনকময়, মনোহর পুরী,
 তার চারিদিকে শোভে,—মেখলা যেমতি
 আলিঙ্গয়ে অঙ্গনার চাক কুশোদরে
 হরষে পসারি বাহু,—রাশিচক্র ; তাহে
 রাশিরাশির আনয় । নগর মাঝারে
 একচক্ররথে দেব বসেন ভাস্কর ।
 অকণ তকণ সদা, নয়নরমণ
 যেন মধু কাম বঁধু,—যবে ঋতুপতি
 বসন্ত, হিমালয়ে, গুনি পিককুল ধনি,
 হরষে তুষেন আসি কামিনী মহীরে,
 কাতরা বিরহে তাঁর,—বসেছে সম্মুখে
 সারথি । সুন্দরী ছায়া, মলিনবদনা,
 নলিনীর সুখ দেখি ছুঃখিনী কামিনী,
 বসেন পতির পাশে নয়ন মুদিয়া,—
 সপত্নীর প্রভা নারী পারে কি সহিতে ?
 চারিদিকে গ্রহদল দাঁড়ায় সকলে
 নতভাবে, নরপতি সমীপে যেমতি
 সচিব । অশ্বরতলে তারাহৃন্দ যত—
 ইন্দীবর-নিকর—অদূরে হাসি নাচে,
 যথা, রে অমরাপুরি, কনক-নগরি,
 নাচিতে অঙ্গসরাকুল, যবে শচীপতি,
 স্বরীশ্বর, শচীসহ দেব সভা-মাঝে,

বসিতেন ঠৈমাসনে ! নাচে তারা বলী
 বেড়ি দেব দিবাকরে, যুঁহু মন্দপদে ;
 করে পুরস্কারেন হাসিয়া প্রভাকর
 তা সবারে, রত্নদানে যথা মহীপতি
 স্কন্দরী কিক্করীদলে তোষে—তুষ্ট ভাবে ।
 হেরি দূরে দেবরাজে, গ্রহকুলরাজা
 সমস্ত্রমে প্রণাম করিলা মহামতি ।—
 এড়াইয়া সূর্যলোক চলিল বিমান ।

এবে চন্দ্র সূর্য্য আর নক্ষত্র মণ্ডলী
 —রজত কনক দ্বীপ অম্বর সাগরে—
 পশ্চাতে রাখিয়া সবে, ঠৈম ব্যোমযান
 উতরিল যথা শত দিবাকর জিনি,
 প্রভা—স্বয়ম্ভূর পাদপদ্মে স্থান য়ার—
 উজ্জ্বলেন দেশ ধনী প্রকৃতিকপিণী,
 কপে মোহি অনাদি অনন্ত সনাতনে !
 প্রভা—শক্তিকুলেশ্বরী, য়ার সেবা করি
 তিমিরারি বিভাবস্তু তোষেন স্বকরে
 শশী তারা গ্রহাবলী, বারিদ যেমতি
 অম্বুনিধি সেবি সদা, তোষে বস্তুধারে
 তৃষাতুরা, আর তোষে চাতকিনী-দলে
 জলদানে । ইন্দ্রপ্রিয়া পৌলোমী কপসী—
 পীনপয়োধরা—হেরি কারণ-কিরণে,
 সন্তয়ে চাকহাসিনী নয়ন মুদিলি,

কুমুদিনী, বিধুপ্রিয়া, ভপন উর্দিলে
 মুদয়ে নয়ন যথা ! দেব পুরন্দর
 অশুরারি, তুলি রোষে দস্তোলি যে করে
 স্বত্রাসুরে অনায়াসে নাশেন সংগ্রামে,
 সেই কর দিয়া এবে প্রভার বিভাসে
 চমকি ঢাকিলা আঁখি ! রথ-চূড়াশিরে
 মলিনিল দেবকেতু, ধূমকেতু যেন
 দিবাভাগে ; যান-মুখে বিস্ময়ে মাতলি
 সূতেশ্বর অন্ধভাবে রশ্মি দিলা ছাড়ি
 হীনবল ; মহাতঙ্কে তুরঙ্গম-দল
 মন্দগতি, যথা বহে প্রতীপ গমনে
 প্রবাহ ! আইল এবে রথ ব্রহ্মলোকে
 মেক,—কনক-মৃগাল কারণ-সলিলে ;
 তাহে শোভে ব্রহ্মলোক কনক উৎপল ;
 তথা বিরাজেন ধাতা—পদতল ধার
 মৃমুকু কুলের ধ্যেয়—মহামৌক্ষ ধাম ।

অদূরে হেরিলা এবে দেবেন্দ্র বাসব
 কাঞ্চন ভোরণ, রাজ ভোরণ-আকার,
 আভাময় ; তাহে অলে আদিত্য আকৃতি,
 প্রতাপে আদিত্যে জিনি, রতননিকর ।
 নর চক্ষু কভু নাহি হেরিয়াছে যাহা,
 কেমনে নররসনা বর্ণিবে তাহারে—
 অতুল ভব মণ্ডলে ৭ ভোরণ সম্মুখে

দেখিলা দেবদম্পতী দেবসৈন্য-দল—
 সমুদ্র-তরঙ্গ-যথা, যবে জলনিধি
 উথলেন কোলাহলি পবন মিলনে
 বীরদূর্পে ; কিম্বা যথা সাগরের তীরে
 বালিবৃন্দ, কিম্বা যথা গগণমণ্ডলে
 নক্ষত্র-চয়—অগণ্য । রথ কোটি কোটি
 স্বর্ণচক্র, অগ্নিময়, রিপূভক্ষকারী,
 বিদ্যাৎগঠিতধ্বজমণ্ডিত ; তুরগ—
 বিরাজেন সদাগতি যার পদ তলে
 সদা, শুভ্র কলেবর, হিমালী আহুত
 গিরি যথা, স্কন্ধে কেশরাবলীর শোভা—
 ক্ষীরসিন্ধু-ফেণা যেন—অতি মনোহর !
 হস্তী, মেঘাকার সবে,—যে সকল মেঘ,
 সৃষ্টি বিনাশিতে যবে আদেশেন ধাতা,
 আখণ্ডল পাঠান ভাসাতে ভূমণ্ডলে
 প্রলয়ে ; যে মেঘবৃন্দ মন্ডিলে অম্বরে,
 শৈলের পাষণ-হিয়া ফাটে মহা ভয়ে,
 বসুধা কাঁপিষা যান সাগরের তলে
 তরাসে ! অমরকুল—গন্ধর্ব্ব, কিন্নর,
 যক্ষ, রক্ষ, মহাবলী, নানা অস্ত্রধারী—
 বারণারি ভীষণ দশনে, বজ্র নখে
 শস্ত্রিত যেমতি, কিম্বা নাগারি গন্ধর্ভ্ব,
 গন্ধহাস্ত কুলপতি । ছেন সৈন্যদল,

অজেয় জগতে, আজি দানবের রণে
 বিমুখ, আশ্রয় আসি লভিয়াছে সবে
 ব্রহ্ম লোকে, যথা যবে প্রলয় প্লাবন
 গভীর গরজি গ্রাসে নগর নগরী
 অকালে, নগরবাসী জনগণ যত
 নিরাশ্রয়, মহাত্রাসে পালায় সত্বরে
 যথায় শৈলেন্দ্র বীরবর ধীর-ভাবে
 বজ্রপাদ প্রহরণে ভরঙ্গনিচয়
 বিমুখয়ে ; কিম্বা যথা, দিবা অবসানে,
 (মহত্তের সাথে যদি নীচের তুলনা
 পারি দিতে) তমঃ যবে গ্রাসে বসুধারে,
 (রাহু যেন চাঁদেরে) বিহগকুল ভয়ে
 পূরিয়া গগণ ঘন কৃজন-নির্নাদে,
 আসে তরুর পাশে আশ্রমের আশে !

এ হেন দুর্দার সেনা, যার কেতুপরি
 জয় বিরাজয়ে সদা, খগেন্দ্র যেমতি
 বিশ্বস্তর ধ্বজে, হেরি ভগ্ন দৈত্যরণে,
 হায়. শোকাকুল এবে দেবকুলপতি
 অসুরারি ! মহৎ যে পরদুঃখে দুঃখী,
 নিজ দুঃখে কভু নহে কাতর সে জন ।
 কুলিশ চূর্ণিলে শৃঙ্গ, শৃঙ্গধর সহে
 সে বাতনা, ক্ষণমাত্র অস্থির হইয়া !
 কিন্তু যবে কেশরীর প্রচণ্ড আঘাতে

ব্যথিত বারণ আসি কাঁদে উচ্চস্বরে
 পড়ি গিরিবর পদে, গিরিবর কাঁদে
 তার সহ ! মহাশোকে শোকাকুল রথী
 দেবনাথ, ইন্দ্রাণীর করযুগ ধরি
 (সোহাগে মরাল যথা ধরে রে কমলে !)
 কহিলা স্তম্ভস্বরে ;—“ হায়, প্রাণেশ্বরি,
 বিধির অদ্ভুত বিধি দেখি বুক ফাটে !
 শৃগল সমরে, দেখ, বিমুখ কেশরী-
 বৃন্দ, সুরেশ্বরি, ওই তোরণ-সমীপে
 ত্রিয়মাণ অভিমানে । হায়, দেব কুলে
 কে না চাহে ত্যজিবারে কলেবর আজি,
 যাইতে, শমন তোর তিমির-ভবনে,
 পাশরিতে এ গঞ্জনা ৭ ধিক্, শত ধিক্
 এ দেব-মহিমা ! অমরতা, ধিক্ তোরে ।
 হায়, বিধি, কোন পাপে মোর প্রতি তুমি
 এ হেন দারুণ ! পুনঃ পুনঃ এ যাতনা
 কেন গো ভোগাও দাসে ৭ হায়, এ জগতে
 ত্রিদিবের নাথ ইন্দ্র, তার সম আজি
 কে অনাথ ৭ কিন্তু নহি নিজ দুঃখে দুঃখী ।
 সৃজন পালন লয় তোমার ইচ্ছায় ;
 তুমি গড়, তুমি ভাঙ, বজায় রাখহ
 ভুমি ; কিন্তু এই যে অগণ্য দেবগণ,
 এ সবার দুঃখ, দেব, দেখি প্রাণ কাঁদে ।

তপন-ভাপেতে তাপি পশু পক্ষী, যদি
 বিশ্রাম-বিলাস-আশে, যায় তক-পাশে,
 দিনকর-খরফর-কর সহ্য করি
 আপনি সে মহীকহ, আশ্রিত যে প্রাণী,
 ঘুচায় তাহার ক্লেশ ;—হায় রে, দেবেন্দ্র
 আমি, স্বর্গপতি, মোর রক্ষিত যে জন,
 রক্ষিতে তাহারে মম না হয় ক্ষমতা ॥

এতেক কহিয়া দেব দেবকুলপাত
 নামিলেন রথহতে সহ সুরেশ্বরী
 শূন্যমার্গে । আহা মরি, গগণ, পরশি
 পৌলোমীর পাদপদ্ম, হাসিল হরষে !
 চলিল দেব-দম্পতী নীলাশ্বর পথে ।

হেথা দেবসৈন্য, হেরি দেবেশ বাসবে,
 অমনি উঠিল। সবে করি জয়ধ্বনি
 উল্লাসে, বারণ-বৃন্দ আনন্দে যেমতি
 হেরি যুথনাথে । লয়ে গন্ধর্কের দল—
 গন্ধর্ক, মদনগর্ক খর্ক যার রূপে—
 গন্ধর্ককুলের পতি চিত্ররথ রথী
 বেড়িল। মেঘবাহনে, অগ্নি চক্ররাশি
 বেড়ে যথা অমৃত, বা সুবর্ণ প্রাচীর
 দেয়ালয় ; নিক্ষেপিয়া অগ্নিময় অসি,
 ধরি বামকরে চন্দ্রাকার হৈম ঢাল,
 অভেদ্য সমরে, দ্রুত বেড়িল। বাসবে

বীরহৃন্দ । দেবেশ্বের উচ্চ শিরোপরি
 ভাতিল,—রবিপরিধি উদিলেক যেন
 মেক-শৃঙ্গোপরি,—মণিময় রাজছাতা।
 বিস্তারি কিরণ জাল ; চতুরঙ্গ দলে
 রঙ্গে বাজে রণবাদ্য, যাহার নিক্কে—
 পবন উথলে যথা সাগরের বারি—
 উথলে বীর-হৃদয়, সাহস-অর্ণব ।

আইলেন কৃতান্ত, ভীষণ দণ্ড হাতে ;
 ভালে জলে কোপাগ্নি, ভৈরব ভালে যথা
 বৈশ্বানর, যবে, হায়, কুলগ্নে মদন
 যুচাইয়া রতির মৃগাল ভূজ-পাশ,
 আসি, যথা মগ্ন তপঃসাগরে ভূতেশ,
 বিধিলা (অবোধ কাম !) মহেশের হিয়া
 ফুলশরে । আইলেন বরণ দুর্জয়,
 পাশ হস্তে জলেশ্বর, রাগে আঁখি রাঙা—
 তড়িত-জড়িত ভীমাকৃতি মেঘ যেন ।
 আইলা অলকাপতি সাপটিয়া ধরি
 গদাবর ; আইলেন হৈমবতী-সুত,
 তারকসুদন দেব শিখীবরাসন,
 ধনুর্কাণ হাতে দেব-সেনানী ; আইলা
 পবন সর্ষদমন ; —আর কব কত ?
 অগণ্য দেবতাগণ বেড়িলা বাসবে,
 যথা (নীচ সহ যদি মহতের খাটে

তুলনা) নিদ্রাস্বজনী নিশীথিনী যবে,
 স্মৃচাক্তারা মহিষী, আসি দেন দেখা
 যুগুগতি, খদ্যোতের ব্যূহ প্রতিসরে
 ঘেরে তরুণেরে, রত্ন কিরীট পরিয়া
 শিরে,—উজলিয়া দেশ বিমল কিরণে !

কহিতে লাগিলা তবে দেব পুরন্দর ;—

“সহস্রেক বৎসর এ চতুরঙ্গ দল
 দুর্কার, দানব সঙ্গে ঘোরতর রণে
 নিরন্তর যুঝি, এবে নিরন্তর সমরে
 দৈববলে । দৈববল বিনা, হায়, কেবা
 এ জগতে তোমা সবা পারে পরাজিতে,
 অজেয়, অমর, বীরকুলশ্রেষ্ঠ ? বিনা
 অনন্ত, কে ক্ষম, যম, সর্গ অন্তকারি,
 বিমুখিতে এ দিক্‌পালগণে তোমা সহ
 বিগ্রহে ? কেমনে এবে এ দুর্জয় রিপু—
 বিধির প্রসাদে দুষ্ট দুর্জয়,—কেমনে
 বিনাশিবে, বিবেচনা কর, দেবদল ?
 যে বিধির বরে বসি দেবরাজাসনে
 আমি ইন্দ্র, মোর প্রতি প্রতিকূল তিনি,
 না জানি কি দোষে, এবে ! হায়, এ কার্ম্ম ক
 স্বথা আজি ধরি আমি এই বামকরে ;
 এ ভীষণ বজ্র আজি নিস্তেজ পাবক !”

শুনি দেবেন্দ্রের বাণী, কহিতে লাগিলা

অস্তক, গস্তীর স্বরে গরজে যেমতি
 মেঘকুলপতি কোপে, কিম্বা বারণারি,
 বিদরি মহীর বক্ষ তীক্ষ্ণ বজ্র-নখে—
 রোষী ;—“না বুঝিতে পারি, দেবপতি, আমি
 বিধির এ লীলা ? যুগে যুগে পিতামহ
 এই রূপে বিড়ম্বেন অমরের কুল ;
 বাড়ান দানবদর্প, শৃগালের হাতে
 সিংহের দিয়া লাঞ্ছনা । তুষ্ট তিনি তপে ;
 যে তাঁহারে ভক্তিভাবে ভজে, তার তিনি
 বশীভূত ; আমরা দিকপালগণ যত
 সতত রত স্বকার্যে,—লালনে পালনে
 এ ভব মণ্ডল, তাঁরে পূজিতে অক্ষম
 যথাবিধি । অতএব যদি আক্রা কর,
 ত্রিদিবের পতি, এই দণ্ডে দণ্ডাঘাতে
 নাশি এ জগৎ, চূর্ণ করি বিশ্ব, ফেলি
 স্বর্গ, মর্ত্য, পাতাল—অতল জলতলে ।
 পরে এড়াইয়া সবে সংসারের দায়,
 যোগধর্ম অবলম্বি, নিশ্চিন্ত হইয়া
 তুষিব চতুরাননে, দৈত্যকুলে ভুলি,
 ভুলি এ দুঃখ, এ সুখ । কে পারে সহিতে—
 হায় রে, কহ, দেবেন্দ্র, হেন অপমান ?
 এই মতে সৃষ্টি যদি পালিতে ধাতার
 ইচ্ছা, তবে স্থখ কেন আমা সবা দিয়া

মথাইলা সাগর ? অমৃতপানে মোরা
 অমর ; কিন্তু এ অমরতার কি ফল
 এই ? হায়, নীলকণ্ঠ, কিসের লাগিয়া
 ধর হলাহল, দেব নীলকণ্ঠদেশে ?
 জ্বলুক জগত ! ভস্ম কর বিশ্ব ! ফেল
 উগরিয়া সে বিষাগ্নি ! কার সাধ হেন
 আজি, যে সে ধরে প্রাণ এ অমরকূলে ?”

এতেক কহিয়া দেব সর্ব-অন্তকারী
 কৃতান্ত হইলা ক্রান্ত ; রাগে চক্ষুদ্বয়
 লোহিত বরণ, রাঙা জবাযুগ যেন !

তবে সর্বদমন পবন মহাবলী
 কহিতে লাগিলা যথা, পর্বত গহ্বরে
 হুঙ্কারে কারাবদ্ধ বারি, বিদরিয়া
 অচলের কর্ণ ;—“যাহা কহিলা শমন,
 অযথার্থ নহে কিছু । নিদাক্ষণ বিধি
 আমা সবা প্রতি বাম অকারণে সদা ।
 নাশিতে এ সৃষ্টি, প্রলয়ের কালে যথা
 নাশেন আপনি ধাতা, বিধি মম কেন ?—
 কেন, হে ত্রিদেশগণ, কিসের কারণে
 সহিব এ অপমান আমরা সকলে
 অমর ? দিতিজ কুল প্রতি যদি এত
 স্নেহ পিতামহের, নুতন সৃষ্টি সৃজি,
 দান তিনি কখন পরম ভক্তদলে ।

এ সৃষ্টি, এ স্বর্গ, মর্ত্য, পাতাল—আলয়
 সৌন্দর্যের, রত্নাগার, সুখের সদন,—
 এত দিন বাহুবলে রক্ষা করি এবে
 দিব কি দানবে ? গন্ধের উচ্চনীড়
 মেঘাবৃত,—খঞ্জন গঞ্জন মাত্র তার ।
 দেহ আজ্ঞা, দেবেশ্বর ; দাঁড়াইয়া হেথা—
 এ ব্রহ্ম মণ্ডলে—দেখ সবে, মুহূর্ত্তেকে,
 নিমিষে নাশি এ সৃষ্টি, বিপুল সুন্দর,
 বাহুবলে,—ত্রিগগৎ লগুতগু করি ।”
 কহিতে কহিতে ভীমাকৃতি প্রভঞ্জন
 নিশ্বাস ছাড়িল! রোষে । থর থর থরে
 (ধাতার কনক পদ আসন যে স্থলে,
 সে স্থল ব্যতীত) বিশ্ব কাঁপিয়া উঠিল !
 ভাঙ্গিল পর্বত চূড়া ; ডুবিল সাগরে
 ভরী ; ডরে মৃগরাজ, গিরি গুহা ছাড়ি,
 পলাইলা দ্রুত বেগে ; গর্ভিণী রমণী
 আতঙ্কে অকালে, মরি, প্রসবি মরিল !

তবে ষড়ানন স্কন্দ, আহা, অনুপম
 রূপে ! হৈমবতী সতী কৃত্তিকা ঝাঁহারে
 পালিলা, সরসী যথা রাজহংস শিশু,
 আদরে ; অমরকুল সেনানী সুরথী
 তারকারি, রণদণ্ডে প্রচণ্ড প্রহারী,
 কিন্তু ধীর, মলয় সমীর যেন, যবে

স্বর্ণবর্ণা উষা সহ ভ্রমেণ মাকত
 শিশিরমণ্ডিত ফুলবনে প্রেমামোদে ;—
 উত্তর করিলা তবে শিখীবরাসন
 মৃদুস্বরে, যথা বাজে মুরারির বাঁশী
 গোপিনীর মন হরি, মঞ্জু কুঞ্জবনে ;—
 “জয় পরাজয় রণে বিধির ইচ্ছায় ।
 তবে যদি যথাসাধ্য যুদ্ধ করি, রথী
 রিপুর সম্মুখে হয় বিমুখ স্তমতি
 রণক্ষেত্রে, কি শরম তার ? দৈববলে
 বলী যে অরি, সে যেন অভেদ্য কবচে
 ভূষিত ; শতসহস্র তীক্ষ্ণতর শর
 পড়ে তার দেহে, পড়ে শৈলদেহে যথা
 বরিষার জলাসার । আমরা সকলে
 প্রাণপণে যুঝি আজি সমরে বিরত,
 এ নিমিত্তে কে ধিক্কার দিবে আমা সবে ?
 বিধির নির্বন্ধ, কহ, কে পারে খণ্ডাতে ?
 অতএব শুন, যম, শুন সদাগতি,
 দুর্জয় সমরে দৌঁছে, শুন গোর বাণী,
 দূর কর মনস্তাপ । তবে কহ যদি,
 বিধির এ বিধি কেন ? কেন প্রতিকূল
 আমা সবা প্রতি হেন দেব পিতামহ ?
 কি কহিব আমি—দেবকুলের কনিষ্ঠ ?
 সৃষ্টি, স্থিতি, প্রলয় বাঁহার ইচ্ছাক্রমে ;

অনাদি অনন্ত যিনি, বোধাগম্য, রীতি
 তাঁর যে, সেই সুরীতি । কিসের কারণে,
 কেন হেন করেন চতুরানন, কহ,
 কে পারে বুঝিতে ? রাজা, যাহা ইচ্ছা, করে ;
 প্রজার কি উচিত বিবাদ রাজাসহ ?”

এতেক কহিয়া দেব স্কন্দ তারকারি
 নীরবিলা । অগ্রসরি অশুরাশি পতি
 (বীর-কম্বু নাদে যথা) উত্তর করিলা ;—
 “সম্বর, অস্বরচর, যথা রোষ আজি !
 দেখ বিবেচনা করি, সত্য যা কহিলা
 কার্ত্তিকেয় মহারথী । আমরা সকলে
 বিধাতার পদাশ্রিত, অধীন তাঁহারি ;
 অধীন যে জন, কহ, স্বাধীনতা কোথা
 সে জনের ? দাস সদা প্রভু আজ্ঞাকারী ।
 দানব দমন আজ্ঞা আশ্রয় সব প্রাতি ;
 দানব দমনে এবে অক্ষম আমরা ;—
 চল যাই ধাতার সমীপে, দেবগণ ।
 সাগর আদেশে সদা তরঙ্গ-নিকর
 ভীষণ নিনাদে ধায়, সংহারিতে বলে
 শিলাময় রোধঃ ; কিন্তু তার প্রতিঘাতে
 ফাঁফর, সাগর পাশে যায় তারা ফিরি
 হীনবল ! চল মোরা যাই, দেবপতি,
 যথা পদ্মযোনি পদ্মাসন পিতামহ ।

এ বিপুল বিশ্ব নাশে, সাধ্য কার হেন
 তিনি বিনা ? হে অন্তক ! বীরবর তুমি,
 সৰ্ব্বঅন্তকারী, কিন্তু বিধির বিধানে ।
 এই যে প্রচণ্ড দণ্ড শোভে তব করে,
 দণ্ডধর, যাহার প্রহারে ক্ষয় সদা
 অমর অক্ষয়দেহ, চূর্ণ নগরাজা,
 এ দণ্ডের প্রহরণ, বিধি আদেশিলে,
 বাজে দেহে,—সুকোমল ফুলাঘাত যেন,—
 কামিনী হানয়ে যবে মৃদু মন্দ হাসি
 প্রিয়দেহে প্রণয়িনী, প্রণয়-কৌতুকে,
 ফুলশর ! তুমি, দেব, ভীম প্রভঞ্জন,
 ভগ্ন তরুকুল যার ভীষণ নিশ্বাসে,
 তুঙ্গ গিরিশৃঙ্গ, বলী বিরিক্ণির বলে
 তুমি, জল স্রোতঃ যথা পৰ্ব্বত প্রসাদে ।
 অভএব দেখ সবে করি বিবেচনা,
 দেবদল । বাড়বাগ্নি সদৃশ জ্বলিছে
 কোপানল মোর মনে ! এ ঘোর সংগ্রামে
 ক্ষত এ শরীর, দেখ, দৈত্য প্রহরণে,
 দেবেশ, কিন্তু কি করি ? এ ভৈরব পাশ,
 ত্রিয়গাণ—মন্ত্রবলে মহোরগ যেন ।”

তবে অলকার নাথ, এ বিশ্ব ষাঁহার
 রত্নাগার, উত্তরিলে যক্ষদলপতি ;—

“ নাশিতে ধাতার সৃষ্টি, যেমন কহিল।

প্রচেতা, কাহার সাধ্য ? তবে যদি থাকে
 এ হেন শক্তি কারো, কেমনে সে জন,
 দেব কি মানব, পারে এ কর্ম করিতে
 নিষ্ঠুর ? কঠিন হিয়া হেন কার আছে ?
 কে পারে নাশিতে তোরে, জগতজননি
 বসুধে, রে ঋতুকুলরমণি, যাহার
 প্রেমে সদা মত্ত ভানু, ইন্দু—ইন্দীবর
 গগণের ! তারা-দল যার সখী-দল !
 সাগর যাহারে বাঁধে রজভুজ পাশে !
 সোহাগে বাসুকি নিজ শত শিরোপরি
 বসায় ! রে অনন্তে, রে মেদিনি কামিনি,
 শ্যামাঙ্গি, অলক যার ভূষিতে উল্লাসে
 সৃজেন সতত ধাতা ফুলরত্নাবলী
 বহুবিধ ! আলিঙ্গয়ে ভূধর যাহারে
 দিবানিশি ! কে আছয়ে, হে দিকপালগণ,
 এহেন নির্দয় ? রাহু শশী গ্রাসিবারে
 ব্যগ্র সদা ছুট, কিন্তু রাহু,—সে দানব ।
 আমরা দেবতা,—এ কি আমাদের কাজ ?
 কে ফেলে অমূল্য মণি সাগরের জলে
 চোরে ডরি ? যদি প্রিয়জন যে. সে জনে
 গ্রাসে রোগ, কাটারীর ধারে গলা কাটি
 প্রণয়ীহৃদয় কিগো নীরোগে তাহারে ?
 আর কি কহিব আমি, দেখ ভাবি সবে ।

যদিও মতের সহ মতের বিগ্রহে
 (শুষ্ক কাষ্ঠ সহ শুষ্ক কাষ্ঠের ঘর্ষণে
 যেমনি) জনমে অগ্নি, সত্যদেবী যাহে
 ছালান প্রদীপ ভ্রান্তি-তিমির নাশিতে ;
 কিন্তু যথা-বাক্যবৃক্ষে কভু নাহি ফলে
 সমুচিত ফল ; এ তো অজানিত নহে ।
 অতএব চল সবে যাই যথা ধাতা
 পিতামহ । কি আজ্ঞা তোমার, দেবপতি ৭”

কহিতে লাগিলা পুনঃ সুরেন্দ্র বাসব
 অম্বরারি ;—“পালিতে এ বিপুল জগত
 সৃজন, হে দেবগণ, আগাসবাকার ।
 অতএব কেমনে যে রক্ষক সে জন
 হইবে ভক্ষক ৭ যথা ধর্ম জয় তথা ।
 অন্যায় করিতে যদি আরম্ভি আমরা,
 সুরাসুরে বিভেদ কি থাকিবেক, কহ,
 জগতে ৭ দিতিজরুন্দ অধর্ম্মেতে রত ;
 কেমনে, আমরা যত অদিতিনন্দন,
 অমর, ত্রিদিব-বাসী, তার সুখ ভোগী,
 আচরিব, নিশাচর আচরে যেমতি
 পাপাচার ৭ চল সবে ব্রহ্মার সদনে—
 নিবেদি চরণে তাঁর এ ঘোর বিপদ !
 হে কৃতান্ত দণ্ডধর, সর্গ অস্তকারি,—
 হে সর্গদমন বায়ুকুলপতি, রণে

অজেয়,—হে তারকহৃদন ধনুর্দ্ধারি
 শিখিধ্বজ,—হে বকণ, রিপু ভস্মকর
 শরানলে,—হে কুবের, অলকার নাথ,
 পুষ্পকবাহন দেব, ভীম গদাধর,
 ধনেশ,—আইস সবে যথা পদ্মযোনি
 পদ্মাসনে বসেন অনাদি সনাতন ।
 এ মহা-সঙ্কটে, কহ, কে আর রক্ষিবে
 তিনি বিনা ত্রিভুবনে এ সুর-সমাজে
 তাঁহারি রক্ষিত ? চল বিরিঞ্চির কাছে !”

এতেক কহিয়া দেব ত্রিদিবের পতি
 বাসব, স্বরীলা চিত্ররথে মহারথী ।
 অগ্রসরি করযোড়ে নমিলা দেবেশে
 চিত্ররথ ; আশীর্বাদি কহিলা সুমতি
 বজ্রপাণি, “এ দিক্‌পালগণ সহ আমি
 প্রবেশিব ব্রহ্মপুরে ; রক্ষা কর, রথি,
 দেবকুলাঙ্গনা যত দেবেশ্বরী সহ ।”

বিদায় মাগিয়া পুরন্দর সুরপতি
 শচীর নিকটে, সহ ভীম প্রভঞ্জন,
 শমন, তপনমৃত, তিমিরবিলাসী,
 ষড়ানন তারকারি, দুর্জয় প্রচেতা,
 ধনদ অলকানাথ, প্রবেশ করিলা
 ব্রহ্মপুরে—মোক্‌ধাম, জগত বাঞ্ছিত ।

তবে চিত্ররথ রথী গন্ধর্ক ঈশ্বর

মহাবলী, দেবদত্ত শঙ্খ ধরি করে,
 ধনিলা সে শঙ্খবর । সে গভীর ধনি
 শুনিয়া অমনি তেজস্বিনী দেবসেনা
 অগণ্য, দুর্কার রণে, গরজি উঠিলা
 চারি দিকে । লক্ষ লক্ষ অসি, নাগরাশি
 উদগীরি পাবক যেন, ভাঙিল আকাশে !
 উড়িল পতাকাচয়, হায় রে, যেমতি
 রতনে রঞ্জিত অঙ্গ বিহঙ্গম দল !
 উঠি রথে রথী দর্পে ধনু টঙ্কারিলা
 চাপে পরাইয়া গুণ ; ধরি গদা করে
 করি পৃষ্ঠে চড়ে কেহ, কেশরী যেমতি
 চড়ে তুঙ্গ-গিরি-শৃঙ্গে ; কেহ আরোহিলা
 (গরুড় বাহনে যথা দেব চক্রপাণি)
 অশ্ব, সদাগতি সদা বাঁধা যার পদে !
 শূল হস্তে, যেন শূলী ভীষণ নাশক,
 পদাতিক-বৃন্দ উঠে হুঁহুকার করি,
 মাতি বীরমদে শূনি সে শঙ্খ নিনাদ !
 বাজিল গম্ভীরে বাদ্য, যার ঘোর রোল
 শূনি নাচে বীর-হিয়া, ডমকর রোলে
 নাচে যথা ফণীবর— ছুরন্তু দংশক—
 বিষাকর ; ভীক প্রাণ বিদরে অমনি
 মহাভয়ে ! সুর সৈন্য সাজিল নিমিষে,
 দানব বংশের ত্রাস, রক্ষা করিবারে

স্বর্গের ঈশ্বরী দেবী পোলোমী সুন্দরী,
 আর যত সুরনারী ; যথা ঘোর বনে
 মহা মহীকুব্ধ্যহ, বিস্তারিয়া বাহু
 অযুত, রক্ষয়ে সবে ব্রততীর কুল,
 অলকে বালকে যার কুম্ভ-রতন
 অমূল জগতে, রাজ-ইন্দ্রাণী বাঞ্ছিত ।

যথা সপ্ত সিন্ধু বেড়ে সতী বসুধারে,
 জগৎজননী, ত্রিদিবের সৈন্যদল
 বেড়িলা ত্রিদিবদেবী অনন্ত-যৌবনা
 শচীরে, সাপটি করে চন্দ্রাকার ঢাল,
 অসি, অগ্নিশিখা যেন ;—শত প্রতিসরে
 বেড়িলা সূচন্দ্রাননে চতুষ্ক দল ।
 তবে চিত্ররথ রথী, সৃষ্টি মায়াবলে
 কনক সিংহ আসন অতুল, অমূল,
 জগতে, যুড়িয়া কর, কহিলা প্রণমি
 পোলোমীরে, “এ আসনে বসুন মহিষী,
 দেবকুলেশ্বরী ; যথা সাধা, আমি দাস,
 দেবেন্দ্র-অভাবে, রক্ষা করিব তোমারে ।”

• বসিলা কনকাসনে বাসব-বাসনা
 মৃগাঙ্কী । হায়রে মরি, হেরি ও বদন
 মলিন, কাহার হিয়া না বিদরে আজি ?
 কার রে না কাঁদে প্রাণ, শরদের শশা,
 হেরি তোরে রাহুগ্রাসে ? তোরে, রে নলিনি.

বিশগবদনা, যবে কুমুদিনী-সখী
নিশি আসি, ভানুপ্রিয়ে, নাশে স্মৃথ তোর !

হেরি ইন্দ্রাণীরে যত সূচাকহামিনী
দেবকামিনী সূন্দরী, আসি উতরিলা
মৃদুগতি । আইলেন ষষ্ঠী মহাদেবী—
বঙ্গ কুলবধু যাঁরে পূজে মহাদরে,
মঙ্গলদায়িনী ; আইলেন মা শীতলা,
দুরন্ত বসন্ততাপে তাপিত শরীর
শীতল প্রসাদে যাঁর—মহাদয়াময়ী
ধাত্রী ; আইলেন দেবী মনসা, প্রতাপে
যাঁহার ফণীন্দ্র ভীত ফণীকুল সহ,
পাবক নিস্তেজ যথা বারি-ধারা-বলে ;
আইলেন সূবচনী—মধুর ভাষিণী ;
আইলেন যক্ষেশ্বরী মুরজা সূন্দরী,
কুঞ্জরগামিনী ; আইলেন কামবধু
রতি ; হায় ! কেমনে বর্ণিব অল্পমতি
আমি ওরূপ মাধুরী,—ও স্থির যৌবন,
নিরবধি ? আইলেন সেনা সুলোচনা,
সেনানীর প্রণয়িনী—রূপবতী সতী !
আইলা জাহ্নবী দেবী—ভীষ্মের জননী ;
কালিন্দী আনন্দময়ী, যাঁর চাককূলে
রাধাপ্রেম-ডোরে-বাঁধা রাধানাথ, সদা
ভ্রমেন, মরাল যথা নলিনীকাননে !

আইলা মুরলাসহ ভমসা বিমলা—
 বৈদেহীর সখী দোঁহে ;—আর কব কত ?
 অগণ্য সুরসুন্দরী, ঋণপ্রভা সম
 প্রভায়, সভত কিন্তু অচপলা যেন
 রত্নকান্তিছটা, আসি বসিলা চৌদিকে ;
 যথা তারাবলী বসে নীলাশ্বর তলে
 শশী সহ, ভরি ভব কাঞ্চন বিভাসে !

বসিলেন দেবীকুল শচীদেবী সহ
 রতন আসনে ; হায়, নীরব গো আজি
 বিষাদে ! আইলা এবে বিদ্যাধরী দল ।
 আইলা উর্ধ্বশী দেবী,—ত্রিদিবের শোভা,
 ভব-ললাটের শোভা শশি-কলা যথা
 আভাময়ী । কেমনে বর্ণিব রূপ তব,
 হে ললনে, বাসবের প্রহরণ তুমি
 অব্যর্গ ! আইলা চাকু চিত্রলেখা সখী,
 বিশালাক্ষী যথা লক্ষ্মী—মাধব-রমণী ।
 আইলেন মিশ্রকেশী,—যাঁর কেশ, তব,
 হে মদন, নাগপাশ—অজেয় জগতে ।
 আইলেন রস্তা,—যাঁর উকুর বর্তুল
 প্রতিকৃতি ধরি, বনবধু বিধুমুখী
 কদলীর নাম রস্তা, বিদিত ভুবনে ।
 আইলেন অলম্বুষা,—মহা লঙ্কাবতী
 যথা লতা লঙ্কাবতী, কিন্তু (কেনা জানে ?)

অপাঙ্গে গরল,—বিশ্ব দহে গো যাহাতে !
 আইলেন মেনকা ; হে গাধির নন্দন
 অভিমানি, যার প্রেমরস-বরিষণে
 নিবারিলা পুরন্দর তপ অগ্নি তব,
 নিবারয়ে মেঘ যথা আসিয়া অঙ্গুরী,
 নতভাবে ইন্দ্রাণীরে নমি, দাঁড়াইলা
 চারিদিকে ; যথা যবে,—হায়রে স্মরিলে
 ফাটে বুক !—ভ্যজি ব্রজ ব্রজকুলপতি
 অকুরের সহ চলি গেলা মধুপুরে,—
 শোকিনী গোপিনীদল, যমুনা পুলিনে,
 বেড়িল নীরবে সবে রাধা বিলাপিনী ॥

ইতি শ্রীতিলোত্তমাসম্ভব কাব্যে ব্রহ্মপুরী-ভোরণ নাম
 দ্বিতীয় সর্গ ।

ତତୀୟ ସର୍ଗ ।

ହେଥା ତୁରାସାହ ସହ ଭୀମ ପ୍ରଭଞ୍ଜନ—
 ବାୟୁକୁଳ ଈଶ୍ଵର,—ପ୍ରଚେତାଃ ପରନ୍ତପ,
 ଦଂଘର ମହାରଥୀ—ତପନ-ତନୟ—
 ଯକ୍ଷଦଳ-ପତି ଦେବ ଅଳକାର ନାଥ,
 ସୁରସେନାନୀ ଶୂରେନ୍ଦ୍ର,—ପ୍ରବେଶ କରିଲା
 ବ୍ରହ୍ମପୁରୀ । ଏଢ଼ାଝିଆ କାଞ୍ଚନ,ତୋରଣ
 ହିରଂୟ, ଯୁଦ୍ଧଗତି ଚଳିଲା ସକଳେ,
 ପଦ୍ମାସନେ ପଦ୍ମଯୋନି ବିରାଜେନ ଯଥା
 ପିତାମହ । ସୁପ୍ରଶସ୍ତ ସ୍ଵର୍ଗ ପଥ ଦିଆ
 ଚଳିଲା ଦିକ୍ପାଳ ଦଳ ପରମ ହରଷେ ।
 ଛୁଇଁପାଶେ ଶୋଭେ ହୈମ ତକ୍ରାଜୀ, ତାହେ
 ମରକତମୟ ପାତା, ଫୁଲ ରତ୍ନ-ମାଳା,
 ଫଳ,—ହାୟ, କେମନେ ବର୍ଣିବ ଫଳ ଛଟା ?
 ସେ ସକଳ ତକ୍ରାକ୍ଷା ଉପରେ ବସିয়া
 କଳସ୍ଵରେ ଗାନ କରେ ପିକବରକୁଳ
 ବିନୋଦି ବିଧିର ହିୟା ! ତକ୍ରାଜୀ ଯାକ୍ଷେ
 ଶୋଭେ ପଦ୍ମରାଗମଣି ଉତ୍ତମ ଶତ ଶତ
 ବରଷି ଅମୃତ, ଯଥା ରତିର ଅଧର
 ବିଷ୍ଠମୟ ବର୍ଷେ, ମରି, ବାକ୍ୟ ସୁଧା, ତୁଷି
 କାମେର କର୍ଣ୍ଣକୁହର ! ସୁମନ୍ଦ ସମୀର—

সহগন্ধ,—বিরিঞ্চির চরণ-যুগল-
 অরবিন্দে জন্ম যার—বহে অনুক্ষণ
 আমোদে পুরিয়া পুরী ! কি ছার ইহার
 কাছে বনশ্রীর নিশ্বাস, যবে আসি
 বসন্তবিলাসী আলিঙ্গয়ে কামে মাতি
 সে বনসুন্দরী, সাজাইয়া তার তনু
 ফুল-আভরণে ! চারিদিকে দেবগণ
 হেরিলা অযুত হর্ম্য রম্য, প্রভাকর
 স্মমেক নগেন্দ্র-যথা—অতুল জগতে !
 সে সদনে করে বাস ব্রহ্মপুরবাসী
 রমার রম উরসে যথা শ্রীনিবাস
 মাধব ! কোথায় কেহ কুমুম কাননে,
 কুমুম আসনে বসি, স্বর্ণবীণা করে,
 গাইছে মধুর গীত ; কোথায় বা কেহ
 ভ্রমে, সদানন্দ সম সদানন্দ মনে
 মঞ্জুকুঞ্জে, বহে যথা পীযুষ-মলিনা
 নদী, কল কল রব করি নিরবধি,
 পরি বক্ষস্থলে হেম-কমলের দাম ;—
 নাচে সে কনকদাম মলয় হিল্লোলে,
 উর্ধ্বশীর বক্ষে যথা মন্দারের মালা,
 যবে নৃত্য-পরিশ্রমে ক্লান্তা সীমন্তিনী
 ছাড়ে নিশ্বাস ঘন, পূরি স্মসৌরভে
 দেব-সভা ! কাম—হায়, বিষম অনল

অন্তরিত ! হৃদয় যে দহে, যথা দহে
 সাগর বাঁড়বানল ! ক্রোধ বাতময়,
 উথলে যে শোণিত তরঙ্গ ডুবাইয়া
 বিবেক ! ছরন্ত লোভ—বিরাম নাশক,
 হায়রে, গ্রাসক যথা কাল, তবু সদা
 অশনায় পীড়িত ! মোহ—কুম্ভমডোর,
 কিন্তু তোর শৃঙ্খল, রে ভব কারাগার,
 দৃঢ়তর ! মায়ার অজেয় নাগপাশ !
 মদ—পরমত্তকারী, হায়, মায়ার-বায়ু,
 ফাঁপায় যে হৃদয়, কুরস যথা দেহ
 রোগীর ! মাৎসর্য—যার সুখ, পরদুখে,
 গরলকণ্ঠ !—এ সব দুষ্ট রিপু, যারা
 প্রবেশি জীবনফুলে, কীট যেন, নাশে
 সে ফুলের অপকৃপ কৃপ, এ নগরে
 নারে প্রবেশিতে, যথা বিষাক্ত ভুজগ
 মহৌষধাগারে । হেথা জিতেন্দ্রিয় সবে,
 ব্রহ্মার নিসর্গধারী, নদচয় যথা
 লভয়ে ক্ষীরতা বহি ক্ষীরোদ সাগরে !

হেরি স্ননগর কান্তি, ভ্রান্তিমদে মাতি,
 তুলিলা দেবেশদল মনের বেদনা
 মহানন্দে ! ফুলবনে প্রবেশিয়া, কেহ
 তুলিলা সূবর্ণ ফুল ; কেহ ক্ষুধাতুর,
 পাড়িয়া অমৃতফল ক্ষুধা নিবারিলা ;

কেহ পান করিলা পীযুষ-মধু স্মখে ;
সঙ্গীত-তরঙ্গে কেহ কেহ রঙ্গে ঢালি
মনঃ, হৈম তরুণে নাচিলা কোতুকে ।

এইরূপে দেবগণ ভ্রমিতে ভ্রমিতে
স্বর্ণময় ; হীরকের স্তম্ভ সারি সারি
শোভিছে সম্মুখে, দেবচক্ষু যার আভা
ক্ষণ সহিতে অক্ষম ! কে পারে বর্ণিতে
তাঁহার সদন বিশ্বস্তর সনাতন
যিনি ? কিম্বা কি আছে গো এ ভবমণ্ডলে
যার সহ তাহার তুলনা করি আমি ?
মানব কল্পনা কভু পারে কি কল্পিতে
ধাতার বৈভব—যিনি বৈভবের নিধি ?

দেখিলেন দেবগণ মন্দির দুয়ারে
বসি স্কন্দকাসনে বিশদবসনা
ভক্তি—শক্তি-কুলেশ্বরী, পতিতপাবনী,
মহাদেবী । অমনি দিক্‌পাল দল নমি
সার্থীয়ে, পূজিলা মার রাণা পা দুখানি !
“ হে মাতঃ, ”—কহিলা ইন্দ্র কৃতাজ্জলিপুটে—
“ হে মাতঃ, তিমিরে যথা বিনাশেন উষা,
কলুষনাশিনী তুমি ! এ ভবসাগরে
তুমি না রাখিলে, হায়, ডুবে গো সকলে
অসহায় ! হে জননি, কৈবল্যদায়িনি,
কৃপা কর আমা সবা প্রতি—দাস তব । ”—

শুনি বাসবের স্তুতি, ভক্তি শক্তীশ্বরী
 আশীষ করিলা দেবী যত দেবগণে
 মৃদুহাসি ; পাইলেন দিব্য চক্ষু সবে ।
 অপর আসনে পরে দেখিলা সকলে
 দেবী আরাধনা,—ভক্তিদেবীর স্বজনী,
 এক প্রাণা দোঁহে । পুনঃ সার্থাজ্ঞে প্রণমি,
 কহিতে লাগিলা শচীকাম্য কৃতাজ্জলি-
 পুটে,—“ হে জননি, যথা আকাশমণ্ডলী
 নিনাদবাহিনী, তথা তুমি, শক্তীশ্বরি,
 বিধাতার কর্ণমূলে বহ গো সতত
 সেবক হৃদয়-বাণী । আমা সবা প্রতি
 দয়া কর, দয়াময়ি, সদয় হইয়া ।”

শুনিয়া ইন্দ্রের বাণী, দেবী আরাধনা—
 প্রসন্নবদনা মাতা—ভক্তিপানে চাহি,
 —চাহে যথা সূর্য্য-মুখী রবিচ্ছবি পানে—
 কহিলা,—“ আইস, ওগো সখি বিধুমুখি,
 চল যাই লইয়া দিক্‌পালদলে যথা
 পদ্মাসনে বিরাজেন ধাতা ; তোমা বিনা
 এ হৈমকপাট, সখি, কে পারে খুলিতে ?”—
 “ খুলি এ কপাট আমি বটে ; কিন্তু, সখি,”
 (উত্তর করিলা ভক্তি) “ তোমা বিনা বাণী
 কার শুনি, কর্ণদান করেন বিধাতা ?
 চল যাই, হে স্বজনি, মধুর-ভাষিণি,—

খুলিব ছুয়ার আমি ; সদয় হৃদয়ে,
অবগত করাও ধাতারে, কি কারণে
আসি উপস্থিত হেথা দেবদল, তুমি !”

তবে ভক্তি দেবীশ্বরী সহ আরাধনা
অমৃত-ভাষিণী, লয়ে দেবপতিদলে
প্রবেশিলা মন্দগতি ধাতার মন্দিরে
নতভাবে । কনক-কমলাসনে তথা
দেখিলেন দেবগণ স্বয়ম্ভু লোকেশে !
শত শত ব্রহ্ম-ঋষি বসেন চৌদিকে,
মহাতেজা, তেজোগুণে জিনি দিননাথে,
কাঞ্চন কিরীট শিরে । প্রভা আভাময়ী,—
মহাকপবতী সতী,—দাঁড়ান সম্মুখে—
যেন বিধাতার হাম্মাবলী মূর্তিমতী !
তঁার সহ দাঁড়ান স্তবর্ণবীণা করে,
বীণাপাণি, স্বরসুধা বর্ষণে বিনোদি
ধাতার হৃদয়, যথা দেবী মন্দাকিনী
কলকলরবে সদা তুষেন অচল-
কুল-ইন্দ্র হিমাচলে—মহানন্দময়ী !
শ্বেতভূজা, শ্বেতাবেজ বিরাজে পা ছুখামি,
রক্তোৎপল দল যেন মহেশ উরসে ;—
জগৎ পূজিতা দেবী—কবিকুল-মাতা !

হেরি বিরিক্ষির পাদ-পদ্ম, সুরদল,
অমনি শচীরমণ সহ পঞ্চজন—

নমিলা মাষ্ট্রাঙ্গে । তবে দেবী আরাধনা
যুড়ি কর কলস্বরে কহিতে লাগিলা ;—

“ হে ধাতঃ, জগত পিতঃ, দেব সমাভন,
দয়াসিন্ধু ! সুন্দ উপসুন্দাসুর বনী,
দলি আদিতেয় দলে বিষম সংগ্রামে,
বসিয়াছে দেবাসনে পামর দেবারি,
লগুভগু করি স্বর্গ,—দাবানল যথা
বিনাশে কুম্ভমে পশি কুম্ভকাননে
সর্কভুক্ ! রাজ্যচ্যুত, পরাভূত রণে,
তোমার আশ্রয় চায় নিরাশ্রয় এবে
দেবদল,—নিদাঘাৰ্ত্ত পথিক যেমতি
তরুর পাশে আসে আশ্রম আশায় ।—
হে বিভো! জগৎযোনি, অযোনি আপনি,
জগদন্ত নিরন্তক, জগতের আদি
অনাদি ! হে সর্কব্যাপি, সর্কজ, কে জানে
মহিমা তোমার ? হায়, কাহার রসনা,—
দেব কি মানব,—গুণকীর্তনে তোমার
পারগ ? হে বিশ্বপতি, বিপদের জালে
বন্ধ দেবকুলে, দেব, উদ্ধার গো আজি ।”

এতেক নিবেদি তবে দেবী আরাধনা
নীরব হইলা, নমি ধাতার চরণে
কৃতাজলিপুটে । শুনি দেবীর বচন—
কি ছার তাহার কাছে কাকলী লহরী

মধুকালে ?—উত্তর করিল। সনাতন-
 ধাতা ; “ এ বারতা, বৎসে, অবিদিত নহে ।
 সুন্দ উপসুন্দাসুর দৈব-বলে বলী ;
 কঠোর তপশ্চাফলে অজেয় জগতে ।
 কি অমর কিবা নর সমরে দুর্কার
 দৌহে ! ভ্রাতৃভেদ ভিন্ন অন্য পথ নাহি
 নিবারিতে এ দানবদ্বয়ে । বায়ু-সখা
 সহ বায়ু আক্রমিলে কানন, তাহারে
 কে পারে রোধিতে,—কার পরাক্রম হেন ?”—

এতেক কহিলা দেব দেব-প্রজাপতি ।

অমনি করিয়া পান ধাত্রার বচন-
 মধু, ব্রহ্ম-পুরী সুখতরঙ্গে ভাসিল !
 শোভিলা উজ্জ্বলতর প্রভা আভাময়ী,
 বিশাল-নয়না দেবী । অখিল জগত
 পূরিল সুপরিমলে, কমল কাননে
 অযুত কমল যেন সহসা ফুটিয়া
 দিল পরিমল-সুধা সুমন্দ অনিলে !
 যথায় সাগর মাঝে প্রবল পবন
 বলে ধরি পোত, হায়, ডুবাইতেছিল
 তারে, শান্তি-দেবী তথা উতরি সত্বরে,
 প্রবোধি মধুরভাষে, শান্তিলা মাকতে ।
 কালের নশ্বরশ্বাস-অনলে যেখানে
 ভস্মময় জীবকুল (ফুলকুল যথা

নিদাঘে) জীবনামৃত প্রবাহ সেখানে
 বহিল, জীবন দান করি জীবকুলে,—
 নিশির শিশির-বিন্দু সরসে যেমতি
 প্রসূন, নীরস, মরি, নিদাঘ জ্বলনে !
 প্রবেশিলা প্রতিগৃহে মঙ্গল-দায়িনী
 মঙ্গলা ! সুশাস্ত্রে পূর্ণা হাসিলা বসুধা ;—
 প্রমোদে মোদিল বিশ্ব বিশ্বয় মানিয়া !

তবে ভক্তি শক্তীশ্বরী, সহ আরাধনা,
 প্রফুল্লবদনা যথা কমলিনী, যবে
 ত্রিষাম্পতি দিননাথ তাড়াই তিমিরে,
 কনক উদয়াচলে আসি দেন দেখা ;—
 লইয়া দিক্‌পালদলে, যথাবিধি পূজি
 পিতামহে, বাহিরিলা ব্রহ্মালয় হতে ।

“ হে বাসব, ” কহিলেন ভক্তি মহাদেবী,
 “ সুরেন্দ্র, সতত রত থাক ধর্মপথে ।
 তোমার হৃদয়ে, যথা রাজেন্দ্র মন্দিরে
 রাজলক্ষ্মী, বিরাজিব আমি হে সতত । ”

“ বিধুমুখী সখী মম ভক্তি শক্তীশ্বরী, ”—
 কহিলেন আরাধনা যুঁহু মন্দ হাসি—
 “ বিরাজেন যদি সদা তোমার হৃদয়ে,
 শচীকান্ত, নিতান্ত জানিও আমি তব
 বশীভূতা ! শশী যথা কোমুদী সেখানে ।
 মণি, আভা, একপ্রাণা ; লভ এ রতনে,

অযতনে আভা লাভ করিবে, দেবেশ !
কালিন্দীরে পান মিন্ধু গঙ্গার সম্মুখে !”

বিদায় হইল, তবে সুরদল, সেবি
দেবীদ্বয়ে । পরে সবে ভ্রমিতে ভ্রমিতে,
উতরিলা পুনঃ যথা পীযুষ-সলিলা
বহে নিরবধি নদী কলকল কলে—
সুবর্ণতটিনী ; যথা অমরী ব্রতভী,
অমর স্তম্বকুল ; স্বর্ণকান্তি ধরি
ফুলকুল ফোটে নিত্য সুনিকুঞ্জবনে,
ভরি স্ফোরিতে দেশ । হৈমবৃক্ষমূলে,—
রঞ্জিত কুম্ব রাগে,—বসিলেন সবে ।

কহিলা বাসব তবে ঈষৎ হাসিয়া,
“ দিতিজ-ভুজ-প্রতাপে, রণ পরিহরি,
আইলাম আমি সবে ধাতার সমীপে
ভ্রাতৃত্বভেদ ভিন্ন অন্ত নাহি পথ ; কহ,
কি বুঝ সঙ্কেত বাক্যে, কহ, দেবগণ ?
বিচার করহ সবে ; সাবধানে দেখ
কি মর্ম্ম ইহার ! জুধে জল যদি থাকে,
তবু রাজহংসপতি পান করে তারে,
তোয়াগিয় তোয়ঃ ! কে কি বুঝ, কহ, শুনি ।”—

উত্তরিলা যম ;—“এ বিষয়ে, দেব
দেবেন্দ্র, স্বীকারি আমি নিজ অক্ষমতা ।
বাহু পরাক্রমে কর্ম্ম-নির্বাহ যেখানে,

দেবনাথ, সেথা আমি । তোমার প্রসাদে
এই যে প্রচণ্ড দণ্ড, ব্রহ্মাণ্ডনাশক,
শিখেছি ধরিতে এরে ; কিন্তু নাহি জানি
চালাইতে লেখনী, পশিতে শব্দার্ণবে
অর্থরত্ন-লোভে—যেন বিদ্যার ধীবর ।”

“ আমি ও অক্ষয় যম-সম ”—উত্তরিল
প্রভঞ্জন—“ সাধিবারে তোমার এ কাজ,
বাসব ! করীর কর যথা, পারি আমি
উপাড়িতে তরুর, পাষণ চূর্ণিতে,
চিরধীর শৃঙ্খলে বজ্রসম চোটে
অধীরিতে ; কিন্তু নারি তুলিতে বাছিয়া
এ সৃষ্টি, হে নমুচিসুদন শচীপতি ।”

উত্তর করিল। তবে স্কন্দ তারকারি
মুদুস্বরে ;—“ দেহ ওহে দেবকুলপতি,
দেহ অনুমতি মোরে, যাই আমি যথা
বসে স্কন্দ উপস্কন্দ,—দুরন্ত অসুর ।
যুদ্ধার্থে আহ্বানি গিয়া ভাই দুই জনে ।
শুনি মোর শঙ্খধনি কষিবে অমনি
উভয় ; কহিব আমি—“ তোমাদের মাঝে
বীরশ্রেষ্ঠ বীর যে. বিগ্রহ দেহ আমি ।”
ভাই ভাই বিরোধ হইবে এ হইলে !
স্কন্দ কহিবেক আমি বীর চূড়ামণি ;
উপস্কন্দ এ কথায় সায় নাহি দিবে

অভিমাণে । কে আছে গো, কহ; দেবপতি,
 রথীকুলে, স্বীকারে যে আপন হীনতা ?
 ভাই ভাই বিবাদ হইলে, একে একে
 বধিব উভয়ে আমি বিধির প্রসাদে—
 বধে যথা বারণারি বারণ ঈশ্বরে ।”

শুনি সেনানীর বাণী, ঈষৎ হাসিয়া
 কহিতে লাগিল দেব যক্ষকুল রাজা
 ধনেশ ;—“যা কহিলেন হৈমবতীসুত,
 কৃত্তিকাকুলবল্লভ, মনে নাহি লাগে ।
 কেনা জানে ফণীসহ বিষ চিরবাসী ?
 দংশিলে ভুজঙ্গ, বিষ-অশনি অগনি
 বায়ুগতি পশে অঙ্গে—দুর্কার অনল ।
 যথায় যুঝিবে সুন্দাসুর দুষ্টমতি,
 নিষ্কোষবে অসি তথা উপসুন্দ বলী
 সহকারী ; উভয়ের বিক্রম উভয় ।
 বিশেষতঃ, কূট-যুদ্ধে দৈতাদল রত ।
 পাইলে একাকী তোম, হে উমাকুমার,
 অবশ্য অন্যায়যুদ্ধ করিবে দানব
 পাপাচার । হুথা তুমি পড়িবে শঙ্কটে,
 বীরবর ! মোর বাণী শুন, দেবপতি
 মহেন্দ্র ; আদেশ মোরে, ধনজালে বেড়ি
 বধি আমি—যথা ব্যাধ বধয়ে শার্দূল,
 আনায়-মাঝারে ভারে আনিয়া কৌশলে—

এ ছুষ্ঠ দম্বুজ দৌছে ! অবিদিত নহে,
 বসুমতী সতী মম বসু পূর্ণাগার,
 যথা পঙ্কজিনী ধনী ধরয়ে যতনে
 কেশর,—মদন অর্প । বিবিধ রতন—
 তেজঃপুঞ্জ, নয়নরঞ্জন, রাশি রাশি,
 দেহ আচ্ছা, দেব, দান করি দানবেরে ।
 করি দান সুবর্ণ—উজ্জ্বল বর্ণ, সহ
 রক্তত, সুশ্বেত যথা দেবী শ্বেতভূজ ।
 ধনলোভে উন্মত্ত উভয় দৈত্যপতি
 অবশ্য বিবাদ করি মরিবে অকালে—
 মরিল যেমতি ছন্দি, হায়, মন্দমতি !
 সহ সুপ্রতীক ভ্রাতা, লোভী বিভাবসু !”—

উত্তর করিল। তবে জলেশ বরণ
 পাশী,—“যা কহিলে সত্য, যক্ষকুলপতি
 অর্থে লোভ ; লোভে পাপ ; পাপ—নাশকারী
 কিন্তু ধন কোথা এবে পাবে, ধনপতি ?
 কোথা সে বসুধা শ্যামা, সুবসুধারিণী
 তোমার ? ভুলিলে কি গো, আমরা সকলে
 দীন, পত্রহীন তরু হিমালীতে যথা,
 আজি ! আর আছে কি গো সে সব বিভব ?
 আর কি—কি কাজ কিন্তু এ মিছা বিলাপে ?
 কহ. দেবকুলনিধি, কি বিধি তোমার ?”

কহিতে লাগিল। তবে দেবপুরন্দর

অসুরারি ;—“ভাসি আমি অজ্ঞাত সলিলে
 কর্ণধার, ভাবনায় চিন্তায় আকুল,
 নাহি দেখি অনুকূল কুল কোন দিকে !
 কেমনে চালাব তরী বুঝিতে না পারি
 কেমনে হইব পার অপার সাগর ?
 শূন্যতুণ আমি আজি এ ঘোর সমরে ।
 বজ্রাপেক্ষা তীক্ষ্ণ মম প্রহরণ যত,
 তা সকলে নিবারিল এ কাল সংগ্রামে
 অসুর । যখন দুষ্ট ভাই দুই জন
 আরম্ভিল তপঃ, আমি পাঠানু যতনে
 স্নকেশিনী উর্ধ্বশীরে ; কিন্তু দৈববলে
 বিফলবিভ্রমা বামা লজ্জায় ফিরিল,—
 গিরিদেহে বাজি যথা রাজীব ! সতত
 অধীর সূধীর ঋষি যে মধুর হাসে,
 শোভিল সে যথা, হায়, সৌদামিনী যথা
 অন্ধজন প্রতি শোভে যথা প্রফুলনে ?
 যে কেশে নিগড় সদা গড়ে রতিপতি ;
 যে অপাঙ্গবিষানলে জ্বলে দেবহিয়া ;—
 নারিল সে কেশপাশ বাঁধিতে দানবে !
 বিফল সে বিষানল, হলাহল যথা
 নীলকণ্ঠ কণ্ঠদেশে ! কি আর কহিব,—
 যথা মোরে জিহ্বাসহ, জলদলপতি ।”

এতক কহিয়া দেব দেবেন্দ্র বাসব

নীরবিলা, আহা, মরি, নিশ্বাসি বিষাদে !
 বিষাদে নীরব দেখি পোলোমীরঞ্জে,
 মৌনভাবে বসিলেন পঞ্চদেব রথী ।

হেনকালে—বিধির অদ্ভুত লীলাখেলা
 কে পারে বুঝিতে গো এ ব্রহ্মাণ্ড মণ্ডলে ?—
 হেনকালে অকস্মাৎ হইল দৈববাণী ।
 “আনি বিশ্বকর্মা, হে দেবগণ, গড়
 বামায়,—অঙ্গনাকুলে অতুলা জগতে ।
 ত্রিলোকে আছয়ে যত স্থাবর, জঙ্গম
 ভূত, তিল তিল সব হইতে লইয়া,
 সৃষ্টি এক প্রমদারে—ভব-প্রমোদিনী ।
 তা হতে হইবে নষ্ট ছুঁষ্ট অমরারি ।”—

তবে দেবপতি, শুনি আকাশ-সমুবা-
 ভারতী, পদন পানে চাহিয়া কহিলা—
 “যাও তুমি, আন হেথা, বায়ুকুল রাজা,
 অবিলম্বে বিশ্বকর্মা, শিল্পীকুলরাজে !”

শুনি দেবেন্দ্রের বাণী, অমনি তখনি
 প্রভঞ্জন শূন্য পথে উড়িলা স্মৃতি
 আশুগ ;—কাঁপিল বিশ্ব থর থর করি
 আতঙ্কে, প্রমাদ গণি অস্থির হইলা
 জীবকুল, যথা যবে প্রলয়ের কালে,
 টঙ্কারি পিনাক রোষে পিনাকী ধুর্জটি
 বিশ্বনাশী পাশুপত ছাড়েন হুঙ্কারে ।

চলি গেলা পবন, পবনবেগে দেব
 শূন্যপথে । হেথা ব্রহ্মপুরে পঞ্চজন
 ভাসিলা—মানস সরে রাজহংস যথা—
 আনন্দ সলিলে সদানন্দের সদনে !
 যে যাহা ইচ্ছিতা তাহা পাইলা তখনি ।
 যে আশা, এ ভবমকদেশে মরীচিকা,
 ফলবতী নিরবধি বিধির আলয়ে !
 মাগিলেন সুধা শচীকান্ত শান্তমতি ;
 অমনি সুধালহরী বহিল সম্মুখে
 কলরবে । চাহিলেন ফল জলপতি ;
 রাশি রাশি ফল আসি স্তবর্ণ বরণ—
 পড়িল চৌদিকে । যাচিলেন ফুল দেব-
 সেনানী ; অঘুত ফুল, স্তবকে স্তবকে
 বেড়িল শূরেন্দ্রে যথা চন্দ্রে তারাঘনী ।
 রত্নাসন মাগি তাহে বসিলা কুবের—
 মণিময় শেষের অশেষ দেহোপরি
 শোভিলেন যেন পীতাম্বর চিত্তামণি ।
 ভ্রমিতে লাগিলা যম মহাহৃষ্টমতি,
 যথা শরদের কালে গগণমণ্ডলে,
 পবন-বাহনারোহী, ভ্রমে কুতূহলী
 মেঘেঞ্জ, রজনীকান্ত রজঃকান্তি হেরি ;—
 হেরি রত্নাকারা তারা,—সুখে মন্দগতি !
 এড়াইয়া ব্রহ্মপুরী, বায়ুকুল-রাজা

প্রভঞ্জন, বায়ুবেগে চলিলেন বলী
 যথায় বসেন বিশ্বোপান্তে মহামতি
 বিশ্বকর্মা । বাতাকাশে উড়িলা সুরথী
 শূন্যপথে, উথলিয়া নীলাশ্বর যেন
 নীল অনুরাশি । কত দূরে ত্রিষাম্পতি
 দিনকান্ত রবিলোকে অস্থির হইলা
 ভাবি ছুষ্ঠি রাহু বুঝি আইল অকালে
 মুখ মেলি । চন্দ্রলোকে রোহিণীবিলাসী
 সুধানিধি, পাণ্ডুবর্ণ আভঙ্কে স্মরিয়া
 ছুরন্ত বিনভাসুতে,—সুধা অভিলাষী !
 মুদিল নয়ন হৈম ভারাকুল ভয়ে,
 ভৈরব দানবে হেরি যথা বিদ্যাধরী,
 পঙ্কজিনী তমঃপুঞ্জ ; বাসুকির শিরে
 কাঁপিলা ভীক বসুধা ; উঠিলা গর্জিয়া
 সিন্ধু, হৃন্দে রত সদা, চির-বৈরি হেরি ;—
 সাজিল তরঙ্গ-দল রণ-রঙ্গে মাতি ।

এ সবে পশ্চাতে রাখি আঁখির নিমিষে
 চলি গেলা আশুগতি । ঘন ঘনাবলী
 ধায় আগে রড়ে বড়ে, ভূত দল যথা
 ভূত-নাথ-সহ । একে একে পার হয়ে
 সপ্ত অন্ধি, চলিলা মকং কুলনিধি
 অবিশ্রান্ত, ক্লান্তি, শান্তি, সবে অবহেলি
 চলে যথা কাল । কত দূরে যমপুরী

ভয়ঙ্করী দেখিলেন ভীম সদাগতি ।
 কোন স্থলে হিমালীতে কাঁপে খরখরি
 পাপী প্রাণ, উচ্চৈঃস্বরে বিলাপি দুর্মতি ;—
 কোন স্থলে কালাগ্নেয়-প্রাচীর-বেষ্টিত
 কারাগারে জ্বলে কেহ হাহাকার রবে
 নিরবধি ; কোথাও বা ভীম মূর্ত্তি-ধারী
 যমদূত প্রহারয়ে চণ্ডদণ্ড শিরে
 অদয় ; কোথাও শত শকুনী-মণ্ডলী
 বজ্রনখা, বিদারিয়া বক্ষঃ মহাবলে,
 ছিন্ন ভিন্ন করে অস্ত্র ; কোথাও বা কেহ.
 তৃষায় আকুল, কাঁদে বসি নদী-তীরে,
 করিয়া শত নিনতি বৈভরণী-পদে
 স্থথা,—না চাহন দেবী ছুরাঅার পানে.
 তপস্বিনী ধনী যথা—নয়নরমণী—
 কভু নাহি বর্ণদান করে কানাতুরে—
 জিতেন্দ্রিয়া ! কোথাও বা হেরি লক্ষ লক্ষ
 উপাদেয় ভক্ষ্যদ্রব্য, ক্ষুধাতুর প্রাণী
 মাগে ভিক্ষা ভক্ষণ—রাজেন্দ্র-দ্বারে যথা
 দরিদ্র,—প্রহরী-বেত্র-আঘাতে শরীর
 জরজর । সতত অগণ্য-প্রাণীগণ
 আসিতেছে ক্রতগতি চারি দিক্ হতে,
 ঝাঁকে ঝাঁকে আসে যথা পতঙ্গের দল
 দেখি অগ্নিশিখা,—হায়, পুড়িয়া মরিতে ।

নিঃস্প হ এ লোকে বাস করে লোক যত ।
 হায়রে, যে আশা আসি তোষে সর্কজনে
 জগতে, এ ছরন্ত অস্তকপুরে গতি
 রোধ তার ! বিধাতার এই সে বিধান ।
 মকস্থলে প্রবাহিনী কভু নাহি বহে ।
 অবিরামে কাটে কীট ; পাবক না নিবে ।
 শত সিন্ধু কোলাহল জিনি, দিবানিশি,
 উঠয়ে ক্রন্দনধ্বনি—কর্ণ বিদরিয়া ।

হেরি শমনের পুরী, বিশ্বয় মা'নিয়া
 চলিলা জগৎপ্রাণ পুনঃ ক্রতগতি
 যথায় বসেন দেব-শিল্পী । কতক্ষণে
 উত্তরমেৰুতে বীর উতরিলা আসি ।
 অদূরে শোভিল বিশ্বকর্মার সদন ।
 ঘন ঘনাকার ধূম উড়ে হর্ষোপরি,
 তাহার মাঝারে হৈমগৃহাগ্র অযুত
 দ্যোতে, বিদ্যুতের রেখা অচঞ্চল যেন
 মেঘাবৃত আকাশে, বা বাসবের ধনু
 মণিময় ! প্রবেশিয়া পুরী বায়ুপতি
 দেখিলেন চারিদিকে ধাতু রাশি রাশি
 শৈলাকার ; মূর্তিমান্ দেব বৈশ্বানরে ।
 পাই সোহাগায় সোণা গলিছে সোহাগে
 প্রেম-রসে ; বাহিরিছে রজত গলিয়া
 পুটে, বাহিরায় যথা বিমল-সলিল .

প্রবাহ, পর্কত মানু-উপরি যাহারে
 পালে কাদম্বিনী ধনী ; লৌহ, যার তনু
 অক্ষয়, তাপিলে অগ্নি, মহারাগে ধাতু
 জ্বলে অগ্নিসম তেজ,—অগ্নিকুণ্ডে পড়ি
 পুড়িছে,—বিষম জ্বালা যেন ঘৃণা করি,—
 নীরবে শোকাগ্নি যথা সহে বীরহিয়া ।
 কাঞ্চন আসনে বসি বিশ্বকর্মা দেব
 দেব-শিল্পী, গড়িছেন অপূর্ব গড়ন,
 হেনকালে তথায় আইলা সদাগতি ।
 হেরি প্রভঞ্নে দেব অমনি উঠিয়া
 নমস্কারি বসাইলা রত্ন-সিংহাসনে ।
 “আপন কুশল কহ, বায়ুকুলেশ্বর,”—
 কহিতে লাগিলা বিশ্বকর্মা—“কহ, বলি,
 স্বর্গের বারতা । কোথা দেবেন্দ্র কুলিনী ?
 কি কারণে, সদাগতি, গতি হে তোমার
 এ বিজন-দেশে ? কহ, কোন বরাঙ্গনা—
 দেবী কি মানবী—এবে ধরিয়াছে, তোমা
 পাতি পীরিতের ফাঁদ ? কহ, যত চাহ,
 দিব আমি অলঙ্কার,—অতুল জগতে !
 এই দেখ নুপুর ; ইহার বোল শুনি
 বীণাপাণি-বীণা, দেব, ছিন্নতার, খেদে !
 এই দেখ সুমেখলা ; দেখি ভাব মনে,
 বিশাল-নিতম্ববিশ্বে কি শোভা ইহার ?

এই দেখ মুক্তাহার ; হেরিলে ইহায়ে
 উরজকমলযুগ মাঝারে, মনোজ
 মজে গো আপনি ! এই দেখ, দেব, সিঁথি ;
 কি ছার ইহার কাছে, ওরে নিশীথিনী,
 তোর তারাময় সিঁথি ! এই যে কঙ্কন
 খচিত রতনরূন্দে, দেখ, গন্ধবহ ।
 প্রবাল-কুণ্ডল এই দেখ, বীরমণি ;—
 কি ছার ইহার কাছে বনস্থলী-কানে
 পলাশ,—রমণী-মনোরমণ ভূষণ ?
 আর আর আছে যত, কি কব তোমায়ে ?”

হাসিয়া হাসিয়া যদি এতেক কহিলা
 বিশ্বকর্মা, উত্তর করিলা মহামতি
 শ্বসন, নিশ্বাস বীর ছাড়িয়া বিষাদে ;—
 “ আর কি আছে গে, দেব, সে কাল এখন ?
 বিশ্বোপান্তে তিমিরসাগর তীরে সদা
 বস তুমি, নাহি জান স্বর্গের দুর্দশা !
 হায়, দৈত্যকুল এবে, প্রবল সমরে,
 লুটিছে ত্রিদশালয় লগুভগু করি,
 পামর ! স্মরেন তোমা দেব অশুরারি,
 শিল্পীবর ! তেঁই আমি আইনু সত্বরে ।
 চল, দেব, অবিলম্বে ; বিলম্ব না সহে ।
 মহা ব্যগ্র ইন্দ্র আজি তব দরশনে ।”

শুনি পবনের বাণী, কহিতে লাগিলা

দেব-শিল্পী—“হায়, দেব, একি পরমাদ !
 দিতিজকুল উজ্জ্বলি, কোন্ মহারথী
 বিমুখিলা দেবরাজে সম্মুখ-সমরে
 বলে ? কহ, কার অঙ্গে রোধ গতি তব,
 সদাগতি ? কে ব্যথিল তীক্ষ্ণ প্রহরণে
 যমে ? নিরস্ত্রিল কেবা জলেশ পাশীরে ?
 অলকানাথের গদা—শৈল চূর্ণ কারী ?
 কে বিঁধিল, কহ, হায়, খরতর শরে
 ময়ূর-বাহনে ? একি অদ্ভুত কাহিনী
 কোথায় হইল রণ ? কিসের কারণে ?
 মরে যবে সমরে তারক মন্দমতি,
 তদবধি দৈত্যদল নিস্তেজ-পাবক,—
 বিষহীন ফণী ; এবে প্রবল কেমনে ?
 বিশেষ করিয়া কহ, শুনি, শূরমণি ।
 উত্তরমেকতে সদা বসতি আমার
 বিশ্বোপাল্পে । ওই দেখ তিনির-সাগর
 অকূল, পর্কতাকার যাহার লহরী
 উথলিছে নিরবধি মহা কোলাহলে ।
 কে জানে জল কি স্থূল ? বুঝি দুই হবে ।
 লিখিলা এ মেক ধাতা জগতের সীমা
 সৃষ্টি কালে ; বসে তমঃ দেখ ওই পাশে ।
 নাহি যান প্রভাদেবী তাহার সদনে,
 পাপীর সদনে যথা মঙ্গল-দায়িনী

লক্ষ্মী । এত দূরে আমি কিছু নাহি জানি ;
 বিশেষ করিয়া কহ সকল বারতা ।”
 উত্তর করিল। তবে বায়ু-কুলপতি—
 “ না সহে বিলম্ব হেথা, কহিষু তোমাংরে,
 শিল্পিবর, চল যথা বিরাজেন এবে
 দেবরাজ ; শুনিবে গো সকল বারতা
 তাঁর মুখে । কোন স্থখে কব, হায়, আমি
 সিংহদল অপমান শৃগালের হাতে ?
 স্মরিলে ও কথা দেহ স্থলে কোপানলে !
 বিধির এ বিধি তেঁই সহি মোরা সবে
 এ লাঞ্ছনা । চল, দেব, চল শীঘ্রগতি ।
 আজি হে তোমার ভার উদ্ধার করিতে
 দেব-বংশ,—দেবরিপু ধ্বংসি স্বকোশলে !

এতেক কহিয়া দেব বায়ু-কুলপতি
 দেব দেব-শিল্পী সহ উঠিল আকাশে
 বায়ুবেগে । ছাড়িয়া কৃতান্ত-নগরী,
 বসুধা বাসুকি-প্রিয়া, চন্দ্র সুধানিধি,
 সূর্যালোক, চলিলেন মনোরথগতি
 দুইজন ; কত দূরে শোভিল অশ্বরে
 স্বর্ণময়ী ব্রহ্মপুরী, শোভেন যেমতি
 উমাপতি-কোলে উমা হৈমকিরীটিনী ।
 শত শত গৃহচূড়া হীরক মণ্ডিত
 শত শত সৌধশিরে ভাতে সারি সারি

কাঞ্চন-নির্মিত । হেরি ধাতার সদন
আনন্দে কহিল। বায়ু দেব-শিল্পি প্রতি ;—

“ ধন্য তুমি দেবকুলে, দেব-শিল্পি গুণি !
তোমা বিনা আর কার সাধ্য নির্মাইতে
এ হেন সুন্দরী পুরী—নয়ন-রঞ্জিনী । ”

“ ধাতার প্রসাদে, দেব, এ শক্তি আমার ”—
উত্তরিল। বিশ্বকর্মা—“ তাঁর গুণে গুণী,
গড়ি এ নগর আমি তাঁহার আদেশে ।
যথা সরোবর-জল, বিমল, তরল,
প্রতিবিশ্বে নীলাশ্বর ভারাময় শোভা
নিশাকালে, এই রম্য প্রতিমা প্রথমে
উদয়ে ধাতার মনে,—তবে পাই আমি । ”

এইরূপ কথোপকথনে দেবদ্বয়
প্রবেশিল। ব্রহ্মপুরী—মন্দগতি এবে ।
কতদূরে হেরি দেব জীমূতবাহন
বজ্রপাণি, সহ কার্ত্তিকেয় মহারথী,
পাশী, ভপনভনয়, মুরজা-বল্লভ
যক্ষরাজ, শীঘ্রগামী দেব-শিল্পী দেব
নিকটিয়া, করপুটে প্রণাম করিল।
যথা বিধি । দেখি বিশ্বকর্মায় বাসব
মহোদয় আশীষিয়া কহিতে লাগিল।—
“ স্বাগত, হে দেব-শিল্পি ! মকভূমে যথা
ভৃষাকুল-জন সুখী সলিল পাইলে,

তব দরশনে আজি আনন্দ আমার
 অসীম ! স্বাগত, দেব, শিল্পি-চূড়ামণি !
 দৈববলে বলী দুই দানব, দুর্জয়
 সমরে, অমরপুরী গ্রাসিয়াছে আসি,
 হায়, গ্রাসে রাহ যথা সুধাংশু মণ্ডলী !
 ধাতার আদেশ এই শুন মহামতি ।
 “আনি বিশ্বকর্মা, হে দেবগণ, গড়
 বামায়, অঙ্গনাকুলে অতুলা জগতে ।
 ত্রিলোকে আছয়ে যত স্থাবর, জঙ্গম
 ভূত, সব হইতে লইয়া তিল তিল,
 সৃজ এক প্রমদারে—ভবপ্রমোদিনী ।
 তাহা হতে হবে নষ্ট ছষ্ট অমরারি ।”

শুন দেবেশ্বের বাণী শিল্পীন্দ্র অমনি
 নমিয়া দিক্‌পালদলে বসিলেন ধ্যানে ;
 নীরবে বেড়িলা দেবে যত দেবপতি ।

আরস্তিয়া মহাতপঃ, মহামন্ত্রবলে
 আকর্ষিলা স্থাবর, জঙ্গম ভূত যত
 ব্রহ্মপুরে শিল্পীবর । যাহারে স্মরিলা
 পাইলা তখনি তারে । পদাঙ্ক লয়ে
 গড়িলেন বিশ্বকর্মা রাণা পা দুখানি ।
 বিদ্যুতের রেখা দেব লিখিলা তাহাতে
 যেন লাক্ষারস-রাগ । বনস্থল-বধু
 রস্তা উকদেশে আসি করিলা বসতি ;

সুমধ্যম যুগরাজ দিলা নিজ মাঝা ;
 খগোল নিতম্ব-বিশ্ব ; শোভিল তাহাতে
 মেখলা, গগণে, মরি, ছায়াপথ যথা !
 গড়িলেন বাহু-যুগ লইয়া যুগালে ।
 দাড়িস্থে কদম্বে হৈল বিষম বিবাদ ;
 উভয়ে চাহিল আসি বাস করিবারে
 উরস আনন্দ-বনে ; সে বিবাদ দেখি
 দেব-শিল্পী গড়িলেন মেক শৃঙ্গাকারে
 কুচযুগ । তপোবলে শশাঙ্ক সুমতি
 হইলা বদন দেব অকলঙ্ক ভাবে ;
 ধরিল কবরী কপ কাদম্বিনী ধনী,
 ইন্দ্রচাপে বানাইয়া মনোহর সিঁথি ।
 জ্বলে যে তার-রতন উষার ললাটে,
 তেজঃপুঞ্জ, দুইখান করিয়া তাহারে
 গড়াইলা চক্ষুদ্বয়, যদিও হরিণী
 রাখিলেক দেবপদে আনি নিজ আঁখি ।
 গড়িলা অধর দেব বিশ্বফল-দিয়া,
 মাখিয়া অমৃতরসে ; গজ মুত্তাবলী
 শোভিল রে দন্তরূপে বিশ্ব বিমোহিয়া !
 আপনি রতি-রঞ্জন নিজ ধনু ধরি
 ভুবুহলে বসাইলা নয়ন উপরে ;
 তা দেখিয়া বিশ্বকর্মা হাসি কাড়ি নিলা
 তুণ তাঁর ; বাছি বাছি সে তুণ হইতে

খরতর ফুল-শর, নয়নে অর্পিলা
 দেব-শিল্পী । বসুন্ধরা নানারত্ন-সাজে
 সাজাইলা বরবপু, পুষ্পাবলী যথা
 সাজায় রাজেন্দ্রবাল। কুমুমভূষণে ।
 চম্পক, পঙ্কজপর্ণ, স্তবর্ণ চাহিল
 দিতে বর্ণ বরাজ্ঞে ; এ সবারে ত্যজি,—
 হরিভালে শিল্পিবর রাগিলা স্ততনু !
 কলরবে মধুদূত কোকিল সাধিল
 দিতে নিজমধুরব ; কিন্তু বীণাপাণি
 আনি সঙ্গে সঙ্গে রাগ-রাগিণীর কুল,
 রসনায় আসন পাতিলা বাগীশ্বরী !
 অমৃত সঞ্চারি তবে দেব-শিল্পী-পতি
 জীবাইলা কামিনীরে ;—সুমোহিনী বেশে
 দাঁড়াইলা প্রভা যেন, আহা মূর্ত্তিমতী !

হেরি অপকৃপবাস্তি আনন্দ-সঙ্গেলে
 ভাসিলেন শচীকান্ত ; পবন অমনি
 প্রফুল্ল কমলে যেন পাইয়া, স্বনিল।
 স্তম্ভনে ! মোহিত কামে মুরজামোহন,
 মনে মনে ধন-প্রাণ সঁপিলা বামারে !
 শান্ত জলমাথ যেন শান্তি সমাগমে !
 মহাস্বখী শিখিধ্বজ, শিখীবর যথা
 হেরি তোরে, কাদম্বিনি, অনস্বরতলে !

তিমির-বিলাসী যম হাসিয়া উঠিলা,
কৌমুদিনী প্রমদায় হেরি মেঘ যথা
শরদে ! সাবাসি, ওহে দেব শিল্পী গুণি !
ধাতাবরে, দেববর, সাবাসি ভোমারে !

হেন কালে,—বিধির অদ্ভুত লীলাখেলা
কে পারে বুঝিতে গো এ ব্রহ্মাণ্ড-মণ্ডলে !—
হেন কালে পুনর্কার হৈল দৈববাণী ;—
“ পাঠাও, হে দেবপতি, এ রমা বামারে,
(অনুপমা বামাকুলে)—যথা অমরারি
সুন্দ উপসুন্দাসুর ; আদেশ অনঙ্কে
যাইতে এ বরাঙ্গনাসহ সঙ্কে মধু,
ঋতুরাজ । এ কপের মাধুরী হেরিয়া
কাম-মদে মাতি দৈত্য মরিবে সংগ্রামে !
তিল তিল লইয়া গড়িলা সুন্দরীরে
দেব-শিল্পী, তেঁই নাম রাখ তিলোত্তম । ”—

শুনিয়া দেবেন্দ্রগণ আকাশ-সম্ভবা
সরস্বতী-ভারতী, নমিলা ভক্তিভাবে
সার্থাঙ্কে । তৎপরে সবে প্রশংসা করিয়া
বিদায় করিলা বিশ্বকর্মা শিল্পী-দেবে ।
প্রণমি দিক্‌পাল দলে বিশ্বকর্মা দেব
চলি গেলা নিজ দেশে । সুখে শচীপতি
বাহিরিলা, সঙ্কে ধনী অতুলা জগতে,—
যথা সুরাসুর যবে অমৃত বিলাসে

মথিলা সাগরজল, জলদলপতি
ভুবন-আনন্দময়ী ইন্দিরার সাথে !

ইতি শ্রীভিলোকুমা-সম্ভব কাব্যে সম্ভবো-নাম
তৃতীয় সর্গ ।

চতুর্থ সর্গ ।

স্বৰ্গ বিহঙ্গী যথা, আদরে বিস্তারি
পাখা,—শক্র-ধনু-কাস্তি আভায় যাহার
মলিন,—যতনে ধনী শিখায় শাবকে
উড়িতে, হে জগদম্বে, অম্বর-প্রদেশে ;—
দাসেরে করিয়া সঙ্গে রঙ্গে আজি তুমি
ভ্রমিয়াছ নানা স্থানে ; কাতর সে এবে,
কুলায়ে লয়ে তাহারে চল, গো জননি !
সফল জনম মম ওপদ-প্রসাদে,
দয়াময়ি ! যথা কুন্তী-নন্দন-পৌরব,
ধীর যুধিষ্ঠির, সশরীরে মহাবলী
ধর্মবলে প্রবেশিলা স্বর্গ, তব বরে
দীন আমি দেখিনু, মানব তাঁখি কভু
নাহি দেখিয়াছে যাহা ; শুনিবু ভারতি,
তব বীণা-ধ্বনি বিনা অতুলা জগতে !
চল ফিরে যাই যথা কুসুম-কুন্তলা
বসুধা । কল্পনা,—তব হেমাঙ্গী সঙ্গিনী,—
দান করিয়াছে যারে তোমার আদেশে
দিব্য-চক্ষু, ভুল না, হে কমল-বাসিনি,
রসিতে রসনা তার তব সূধা-রসে !
বরষি সঙ্গীতায়ত মনীষী তুষিবে,—

এই ভিক্ষা করে দাস, এই দীক্ষা মাগে ।
 যদি গুণগ্রাহী যে, নিদাঘ-রূপ ধরি,
 আশার মুকুল নাশে এ চিত্তকাননে,
 সেও ভাল ! অধমে, মা, অধমের গতি !—
 ধিক্ সে যাচ্ঞা,—ফলবতী নীচ কাছে !

মহানন্দে মহেন্দ্রে সসৈন্তে মহামতি
 উতরিলা যথা বসে বিক্র্য গিরিবর
 কামরূপী,—হে অগস্ত্যা, তব অনুরোধে
 অদ্যাপি অচল ! শত শত শৃঙ্গ শিরে,
 বীর বীরভদ্র শিরে জটাজূট যথা
 বিকট ; অশেষ দেহ শেষের যেমনি !
 দ্রুতগতি শূন্য পথে দেবরথ, রথী,
 মাতঙ্গ, তুরঙ্গ, যত চতুরঙ্গ দল
 আইলা, কণ্ঠক তেজঃ পুঞ্জ উজ্জ্বলিয়া
 চারিদিক্ । কাম্যনামে নিবিড় কানন—
 খাগুব-সম, (পাণ্ডব ফাল্গুনীর গুণে
 দহি হবির্কহ যাহে নিরোগী হইলা)—
 সে কাননে দেবসেনা প্রবেশিলা বলে
 প্রবল । আতঙ্কে পশু, বিহঙ্গম আদি
 আশু পলাইল সবে ঘোরতর রবে,
 যেন দাবানল আসি. গ্রাসিবার আশে
 বনরাজী, প্রবেশিল সে গহন বনে !—
 কাতারে কাতারে সেনা প্রবেশিল আসি

অরণ্যে, উপাড়ি তরু, উপাড়ি ব্রততী,
 বড় যথা, কিম্বা করিষুথ, মত্ত মদে ।
 অধীর সত্রাসে ধীর বিক্র্য মহীধর,
 শীঘ্র আসি শচীকান্ত-নমুচিসুদন-
 পদতলে নিবেদিল। কৃতাজ্জলিপুটে,—
 “কি কারণে, দেবরাজ, কোন্ অপরাধে
 অপরাধী তবপদে কিঙ্কর ? কেমনে
 এ অসহ ভার, প্রভু, সহিবে এ দাস ?
 পাঞ্চজন্য-নিনাদক প্রবঞ্চি বলিরে
 বামনরূপে যে রূপ, হায়, পাঠাইলা
 অতল পাতালে ভারে, সেই রূপ বুঝি
 ইচ্ছা তব, সুরনাথ, মজাইতে দাসে
 রসাতলে ! ” উত্তরিল। হাসি দেবপতি
 অসুরারি ;—“ যাও, বিক্র্য, চল নিজ স্থানে
 অভয়ে ; কি অপকার তোমার সম্ভবে
 মোর হাতে ? ভুজ্বলে নাশিয়া দিত্তিজে
 আজি, উপকার, গিরি, তোমার করিব,
 আপনি হইব মুক্ত বিপদ হইতে ;—
 তেঁই হে আইনু মোরা তোমার সদনে ।

হেন মতে বিদাইয়া বিক্র্য মহাচলে,
 দেব সৈন্য পানে চাহি কহিলা গস্তীরে
 বাসব ; “ হে সুরদল, ত্রিদিব-নিবাসি,
 অমর ! হে দিত্তিসুত-গর্ভ-খর্ষকরি !

বিধির নির্ভঙ্কে, হায়, নিরানন্দ আজি
 তোমা সবে ! রণ-স্থলে বিমুখ যে রথী,
 কত যে ব্যথিত সে তা কে পারে বর্ণিতে ?
 কিন্তু দুঃখ দূর এবে কর, বীরগণ !
 পুনরায় জয় আসি আশু বিরাজিবে
 এ দেব-কেতনোপরে । ঘোরতর রণে
 অবশ্য হইবে ক্ষয় দৈত্যচয় আজি ।
 দিয়াছি মদনে আমি, বিধির প্রসাদে,
 যে শর,—কে সম্বরিবে সে অব্যর্থ শরে ?
 লয়ে তিলোত্তমায়—অতুল ধনী বপে—
 ঋতুপতিসহ রতিপতি সর্ক-১ য়ী
 গেছে চলি যথায় নিবাসে দেব-অরি
 দানব ! থাকহ সবে সুসজ্জ হইয়া ।
 সুন্দ উপসুন্দ যবে পড়িবে সমরে,
 অমনি পাশিব মোরা সবে দৈত্যদেশে
 বায়ুগতি, পশে যথা মদকল করী
 নলবনে, নলদলে দলি পদতলে । ”
 শুনি সুরেন্দ্রের বাণী, সুরসৈন্য যত
 হুঙ্কারি নিষ্কোষিলা অগ্নিময় অসি
 অযুত, আগ্নেয় তেজে পূরি বনরাজি !
 টঙ্কারিলা ধনু ধনুর্ধর দল বলী
 রোষে ; লোফে শূল শূলী,—হায়, বাগ্র সবে
 মারিতে মারিতে রণে—যা থাকে কপালে !

ঘোররবে গরজিলা গজ ; হয়বুহ
 মিশাইলা হেঘারব সে রবের সহ !
 শুনি সে ভীষণ স্বন দনুজ দুর্মতি
 হীন বীর্য্য হয়ে ভয়ে প্রমাদ গণিল
 অমরারি, যথা শুনি খগেন্দ্রের ধনি,
 ত্রিয়মাণ নাগকুল অতল পাতালে !

হেনকালে আচম্বিতে আসি উতরিলা
 কাম্যবনে নারদ, দীধিতি রবি যেন
 দ্বিতীয়। হরষে বন্দি দেব-ঋষিবরে,
 কহিলেন হাসি ইন্দ্র—দেবকুলপতি—
 “ কি কারণে এ নিবিড় কাননে, নারদ
 তপোধন, আগমন তোমার গে আজি ?
 দেখ চারিদিকে, দেব, নিরীক্ষণ করি
 ক্ষণকাল ; খরতর করবাল আভা,
 হবির্বহ নহে যাহে উজ্জ্বল এ শ্বলী;—
 নহে বজ্র ধূম ও,—ফলক সারি সারি
 সূবর্ণ মণ্ডিত.—অগ্নিশিখাময় যেন
 ধূমপুঞ্জ, কিস্বা মেঘ.—ভড়িত-জড়িত !”

আশীষি দেবেশে, হাসি দেব-ঋষিবর
 নারদ, উত্তরছলে কহিলা কোতুকে;—
 তোমা সম, শচীপতি কে আছে গো আজি
 তাপস? যে কাল-অগ্নি ঝালি চারি দিকে
 বসিয়াছ তপে, দেব, দেখি কাঁপি আমি

চিরতপোবনবাসী ! অবশ্য পাইবে
মনোনীত বর তুমি ; রিপুদ্বয় তব
ক্ষয় আজি, সহস্রাক্ষ, কহিনু তোমাতে ।”

সুধিলা সুরসেনানী সুমধুর স্বরে
অগ্রসরি ;—“কৃপা করি কহ, মুনিবর,
ভাত্ভেদ ভিন্ন অন্য পথ কি কারণে
কঙ্ক শমনের পক্ষে নাশিতে দানব-
দল-ইন্দ্র সুন্দ উপসুন্দ মন্দমতি ?
যে দস্তোলি তুলি করে, নাশিলা সমরে
হৃত্রাসুরে সুরপতি ; যে শরে তারকে
সংহারিহু রণে আমি;—কিসের কারণে
নিরস্ত সে সব অস্ত্র এ দোঁহার কাছে ?
কার বরবলে, প্রভু, বলী দিতি-সুত ?”

উত্তর করিলা তবে দেবর্ষি নারদ ;—
“ভকত-বৎসল যিনি, তাঁর বলে বলী
দৈত্যদ্বয় । শুন দেব, অপূর্ব কাহিনী ।
হিরণ্য কশিপু দৈত্য, যাহারে নাশিলা
চক্রপাণি নরসিংহ রূপে, তার কুলে
জন্মিল নিকুন্ত নামে সুরপুররিপু,
কিন্তু, বজ্রি, তব বজ্র ভয়ে সদা ভীত
যথা গকত্মান্ শৈল । তার পুত্র দোঁহে
সুন্দ উপসুন্দ—এবে ভুবন বিজয়ী ।
এই বিজ্যাচলে আসি ভাই দুই জন

করিল কঠোর তপঃ ধাতার উদ্দেশে
 বহুকাল । তপে তুষ্ট সদা পিতামহ ;
 “বর মাগ” বলি আসি দরশন দিলা ।
 যথা সরঃসুপ্তপদ্ম রবি দরশনে
 প্রফুল্লিত, বিরিক্ষিণে হেরি দৈত্য দ্বয়
 করযোড়ে মৃদুস্বরে কহিতে লাগিল ;—
 “হে ধাতঃ, হে বরদ, অমর কর, দেব,
 আমা দোঁহে ! তব বর-সুধাপান করি,
 মৃত্যুঞ্জয় হব, প্রভু, এই ভিক্ষা মাগি ।”

হাসি কহিলেন তবে দেব সনাতন
 অঙ্গ,—“জন্মে মৃত্যু, দৈত্য । দিবস রজনী—
 এক যায় আর আসে,—সৃষ্টির বিধান ।
 অন্যবর মাগ, বীর, যাহা দিতে পারি ।”

“তবে যদি,”—উত্তর করিল দৈতদ্বয়—
 “তবে যদি অমর না কর, পিতামহ,
 আমা দোঁহে, দেহ ভিক্ষা, তব বরে যেন
 ভ্রাতৃভেদ ভিন্ন অন্য কারণে না মরি ।”
 “ওম ” বলি বরদিলা কমল-আসন ।

একপ্রাণ দুই ভাই চলিল স্বদেশে
 মহানন্দে । সে যেখানে আছিল দানব,
 মিলিল আসিয়া সবে এ দোঁহার সাথে,
 পর্বত-সদন ছাড়ি যথা নদ যবে
 বাহিরায় হুহুকারি সিঙ্কু-অভিমুখে

বীর দর্পে, শত শত জল-স্রোত আসি
মিশি তার সহ, বীর্য হৃদ্ধি তার করে ।—
এই কপে মহাবলী নিকুন্তু-নন্দন-
যুগ, বাহু পরাক্রমে লভিয়াছে এবে
স্বর্গ ; কিন্তু ত্বরা নষ্ট হবে দুষ্টমতি ।”

এতেক কহিয়া ভবে দেবর্ষি নারদ
আশীষিয়া দেবদলে, বিদায় মাগিয়া,
চলি গেলা ব্রহ্মপুরে খাতার সদনে ।
কাম্যবনে সৈন্যসহ দেবেন্দ্র রহিলা,
যথা সিংহ, হেরি দূরে বারণ-ঈশ্বরে,
নিবিড়-কানন মাঝে পশি সাবধানে,
এক দৃষ্টে চাহে বীর ব্যগ্রচিত্ত হয়ে
তার পানে । এই মতে রহিলেন যত
দেববৃন্দ কাম্যবনে বিক্রোর কন্দরে ।

হেথা মীনধ্বজসহ মীনধ্বজ রথে,
বসন্ত-সারথি—রঙ্গে চলিলা সুন্দরী
দেবকুল-আশালতা । অতি-মন্দগতি,
চলিল বিমান শূন্য পথে, যথা ভাসে
স্বর্ণবর্ণ মেঘবর, অম্বর-সাগরে
যবে অস্তাচল-চূড়া উপরে দাঁড়ায়ে
কমলিনী পানে ফিরে চাহেন ভাস্কর
কমলিনী-সখা । যথা সে ঘনের সনে
সৌদামিনী, মীন ধ্বজে ভেমনি বিরাজে

অনুপমা রূপে বামা—ভুবন—মোহিনী ।

যথায় অচলদেশে দেব-উপবনে

কেলি করে সুন্দ উপসুন্দ মহাবলী

অমরারি, তিন জন তথায় চলিলা ।

হেরি কামকেতু দূরে, বসুধা সুন্দরী,

আইলা বসন্ত জানি, কুসুম-রতনে

সাজিলা ; সুবৃক্ষশাখে সুখে পিকদল

আরস্তিল কলস্বরে মদন-কীর্তন ।

মুঞ্জরিল কুঞ্জবন, গুঞ্জরিল অলি

চারিদিকে ; স্বনস্বনে মন্দ সমীরণ,

ফুলকুল উপহার সৌরভ লইয়া,

আসি সস্তাষিল সুখে ঋতুবৎ-শরাজে ।

“ হে সুন্দরি ”—মৃদুহাসি মদন কহিলা—

“ ভীক, উন্মীলিয়া আঁখি,—নলিনী যেমনি

নিশা অবসানে মিলে কমল-নয়ন—

চেয়ে দেখ চারিদিকে ; তব আগমনে

সুখে বসন্তের সখি বসুন্ধরা সতী

নানা আভরণে সাজি হাসেন কামিনী,

নববধু বরিবারে কুলনারী যথা !

তাজি রথ চল এবে—ওই দৈত্যবন ।

যাও চলি, সুহাসিনি, অভয় হৃদয়ে ।

অন্তরীক্ষে রক্ষা হেতু ঋতুরাজ সহ

থাকিব ভোগার সঙ্গে ; রঙ্গে যাও চলি,

যথায় বিরাজে দৈত্যদ্বয়, মধুমতি ।”

প্রবেশিলা কুঞ্জবনে কুঞ্জর-গামিনী
 তিলোত্তমা, প্রবেশয়ে বাসরে যেমতি
 শরমে, ভয়ে কাতরা নবকুল-বধু
 লজ্জাশীলা । মৃদুগতি চলিলা সুন্দরী
 মুহুমূহঃ চাহি চারিদিকে, চাহে যথা
 অজানিত ফুলবনে কুরঙ্গিণী ; কভু
 চমকে রমণী শুনি নুপুরের ধ্বনি ;
 কভু মরমর পাতাকুলের মর্ম্মরে ;
 মলয় নিশ্বাসে কভু ; হায়রে কভু বা
 কোকিলের কুহুরবে ! গুঞ্জরিলে অলি
 মধু-লোভী, কাঁপে বামা, কমলিনী যথা
 পবন-হিল্লোলে ! এই রূপে একাকিনী
 ভ্রমিতে লাগিলা ধনী গহন কাননে ।
 সিহরিলো বিক্র্যাচল ওপদ পরশে,
 সম্মোহন-বাণাঘাতে যোগীন্দ্র যেমতি
 চন্দ্রচূড় ! বনদেবী—যথায় বসিয়া
 বিরলে, গাঁথিতেছিল ফুল-রত্ন মালা,
 (বরগুঞ্জমালা যথা গাঁথে ব্রজাঙ্গনা
 দোলাইতে কুঞ্জবিহারীর বরগলে)—
 হেরি সুন্দরীরে, ত্বরা অলকান্ত তুলি,
 রহিলেন এক দৃষ্টে চাহি তার পানে
 তথায়, বিস্ময় সাধ্বী মানি মনে মনে ।

বনদেব—তপস্বী—মুচ্ছিতা আঁখি, যথা
 হেরি সৌদামিনী ঘনপ্রিয়ায় গগণে
 দিনমণি । যুগরাজ কেশরীমুন্দর
 নিজ পৃষ্ঠাসন বীর সঁপিলা প্রণমি—
 যেন জগদ্ধাত্রী আদ্যাশক্তি মহামায়ে !

ভ্রমিতে ভ্রমিতে দূতী—অতুলা জগতে
 কপে—উতরিলো যথা বনরাজী মাঝে
 শোভে সর, নভস্তল বিমল যেমতি ।
 কলকল স্বরে জল নিরন্তর বরি
 পর্কত বিবর হতে, সৃজে সে বিরলে
 জলাশয় । চারিদিকে শ্যাম তট তার
 শতরঞ্জিত কুম্ভে ! উজ্জ্বল দর্পণ
 বনদেবীর সে সর—খচিত রতনে !
 হাসে তাহে কমলিনী, দর্পণে যেমনি
 বনদেবীর বদন ! যুছু মন্দ রবে
 পবন হিল্লোলে বরি উছলিছে কুলে ।
 এই সরোবর-তীরে আসি সীমন্তিনী
 (ক্লান্তা এবে) বসিলা বিরামলাভ লোভে,
 কপের আভায় আলো করি সে কানন ।
 ক্রণকাল বসি বামা চাহি সর পানে
 আপন প্রতিমা হেরি—ভ্রান্তি-মদে মাতি,
 এক দৃষ্টে তার দিকে চাহিতে লাগিলা
 বিবশে ! “এ হেন কপ”—কহিলা কপসী

যুদ্ধস্বরে—“কারো আঁখি দেখেছে কি কভু ?
 ব্রহ্মপুরে দেখিয়াছি আমি দেবপতি
 বাসব ; দেবসেনানী ; আর দেব ষত
 বীরশ্রেষ্ঠ ; দেখিয়াছি ইন্দ্রাণী সুন্দরী ;
 দেব কুল-নারী কুল ; বিদ্যাধরী-দলে ;
 কিন্তু কার তুলনা এ ললনার সহ
 সাজে ? ইচ্ছা করে, মরি, কায় মন দিয়া
 কিস্করী হইয়া ওঁর সেবি পা দুখানি !
 বুঝি এ বনের দেবী,—মোরে দয়া করি
 দয়াময়ী—জল তলে দরশন দিলা ।

এতেক কহিয়া ধনী অমনি উঠিয়া
 নমাইলা শির—যেন পূজার বিধানে,
 প্রতিমূর্তি প্রতি ; সেও শির নমাইল !
 বিস্ময় মানিয়া বামা কৃতাজ্জলি পুটে
 যুদ্ধস্বরে স্মধিলা—“ কে তুমি, হে রমণি ? ”
 আচম্বিতে “ কে তুমি ? কে তুমি, হে রমণি—
 হে রমণি ? ” এই ধনি বাজিল কাননে !
 মহাভয়ে ভীতা দূতী চমকি চাহিলা
 চারি দিকে । হেন কালে হাসি সকৌতুকে,
 মধু-সহ রতি-বঁধু আসি দেখা দিলা ।

“ কাহারে ডরাও তুমি, ভুবন-মোহিনি ? ”
 (কহিলেন পুষ্পধনু) “ এই দেখ আমি
 বসন্ত-সামন্ত-সহ আছি, সীমন্তিনি,

তব কাছে । দেখিছ যে বামা-মূর্তি জলে,
 তোমারি প্রতিমা, ধনি ; ওই মধুধনি,
 তব ধনি প্রতিধনি শিখি নিনাদিছে !
 ও রূপ মাধুরী হেরি, নারী তুমি যদি
 বিবশা এত, রূপসি, ভেবে দেখ মনে
 পুরুষকুলের দশা ! যাও ত্বর করি ;—
 অদূরে পাইবে এবে দেবারি দানরে !

ধীরে ধীরে পুনঃ ধনী মরালগামিনী
 চলিলা কানন-পথে ! কত স্বর্ণ-লতা
 সাধিল ধরিয়া, আহা, রাঙা পা দুখানি,
 থাকিতে তাদের সাথে ; কত মহীকুহ,
 মোহিত মদন-মদে, দিলা পুষ্পাঞ্জলি ;
 কত যে মিনতি স্তুতি করিলা কোকিল
 কপোতীর সহ ; কত গুণ্ গুণ্ করি
 আরাধিল অলি-দল,—কে পারে কহিতে ?
 আপনি ছায়া সুন্দরী—ভানুবিলাসিনী—
 তরুণে, ফুল ফল ডালায় সাজায়ে,
 দাঁড়াইলা—সখীভাবে বসিতে বামারে ;
 নীরবে চলিলা সাথে সাথে প্রতিধনি ;
 কলরবে প্রবাহিনী—পর্কত দুহিতা—
 সস্বোধিলা চন্দ্রাননে ; বনচর যত
 নাচিল হেরিয়া দূরে বন-শোভিনীরে,
 যথা, রে দণ্ডক, তোর নিবিড় কাননে,

(কত যে তপস্যা তোর কে পারে বুঝিতে ?)
 হেরি বৈদেহীয়ে— রঘুরঞ্জন-রঞ্জিনী !
 সাহসে সুরভি বায়ু, ত্যজি কুবলয়ে,
 মুহুমূহঃ অলকান্ত উড়াইয়া কামী
 চুম্বিলা বদন-শশী ! তা দেখি কোতুকে
 অন্তরীক্ষে মধুসহ মদন হাসিলা !—
 এই রূপে ধীরে ধীরে চলিলা রূপসী ।

আনন্দ-সাগরে মগ্ন দিতিসুত আজি
 মহাবলী । দৈববলে দলি দেব-দলে—
 বিমুখি অমরনাথে সম্মুখ-সমরে,
 ভ্রমিতেছে দেববনে দৈত্যকুলপতি ।
 কে পারে আঁটিতে দোঁহে এ তিন ভুবনে ?
 লক্ষ লক্ষ রথ, রথী, পদাতিক, গজ,
 অশ্ব ; শত শত নারী—বিশ্ব-বিনোদিনী,
 সঙ্গে সঙ্গে করে কেলি নিকুন্ত-নন্দন
 জয়ী । কোন স্থলে নাচে বীণা বাজাইয়া
 তব্বলে বামাকুল, ব্রজবাল। যথা
 গুনি মুরলীর ধনি কদম্বের মূলে ।
 কোথায় গাইছে কেহ মধুর সুরে ।
 কোথায় বা চর্ক্য, চুষ্য, লেহ্য, পেয় রসে
 ভাসে কেহ । কোথায় বা বীরমদে মাতি,
 মল্ল সহ যুঝে মল্ল ক্ষিতি টলমলি ।
 বারণে বারণে রণ—মহা ভয়ঙ্কর,

কোন স্থলে । গিরিচূড়া কোথায় উপাড়ি,
 ছল্কারি নভসুলে দানব উড়িছে
 ঝড়ময়, উথলিয়া অম্বর-সাগর—
 যথা উথলয়ে সিঞ্চু হুন্দি ভিমিঙ্গিল
 মীনরাজ—কোলাহলে পুরিয়া গগন ।
 কোথায় বা কেহ পাশি বিমল সলিলে,
 প্রমদা সহিত ফেলি করে নানা মতে
 উন্মদ মদন-শরে । কেহ বা কুটীরে
 কমল-আসনে বসি প্রাণসখী লয়ে,
 অলঙ্কারি কণ্ঠুল কুবলয়-দলে ।
 রাশি রাশি আসি শোভে, দিবাকর করে
 উদ্যারি পাবক যেন । ঢাল সারি সারি—
 যথা মেঘপুঞ্জ—ঢাকে সে নিকুঞ্জবন ।
 ধনু তুণ অগণ্য ; ত্রিশূলাকার শূল
 সর্কভেদী । তা সবার নিকটে বসিয়া
 কথোপকথনে রত যোপ শত শত ।
 যে যারে সনর ক্ষেত্রে প্রচণ্ড আঘাতে
 দিনুখিল, তার কথা কহে সেই জন ।
 কেহ কহে—সেনানীর কাটিনু কবচ ;
 কেহ কহে—সারি গদা ভীম যমরাজে
 খেদাইলু ; কেহ কহে—ঐরাবত শূঁড়ে
 চোক চোক হানি শর অস্থিরিনু তারে ।
 কেহবা দেখায় দেব-আভরণ ; কেহ

দেব-অস্ত্র ; দেব-বস্ত্র আর কোন জন ।
 কেহ ছুঁই তুঁই হয়ে পরে নিজ শিরে
 দেবরথীশিরচূড় । এই রূপে এবে
 বিহরয়ে দৈত্য-দল—বিজয়ী সমরে ।
 হে বিভো, জগতযোনি, দয়া-সিন্ধু তুমি ;
 তেঁই ভবিভব্যে, দেব, রাখগো গোপনে !

কনক আসনে বসে নিকুম্ভ-নন্দন
 স্কন্দ উপস্কন্দাসুর । শিরোপরি শোভে
 দেবরাজ-ছত্র, তেজে আদিত্য আকৃতি ।
 বীতিহোত্র-মূর্তি বীর বেড়ে শত শত
 দৈত্যদ্বয়ে, ঝক্‌মকি বীর-আভরণে,
 বীর-বীর্যে, পূর্ণ সবে, কালকূটে যথা
 মহোরগ ! বসে দোঁহে কনক আসনে
 পারিজাত-মালা গলে, অনুপম রূপে,
 হায়রে, দেবেন্দ্র যথা দেবকুল মাঝে !
 চারি দিকে শত শত দৈত্য-কুলপতি
 নানা উপহার-সহ দাঁড়ায় দিনত-
 ভাবে, স্তম্ভসন্ন মুখে প্রশংসি ভুজনে,
 দৈত্য-কুল-অবদংস ! দূরে নৃত্য-করী
 নাচে, নাচে তারাবলী যথা নভস্তলে
 স্বর্ণময়ী । বন্দে বন্দী মহানন্দ মনে,—
 “ জয়, জয়, অমরারি, যার ভুজ-বলে
 পরাজিত আদিত্যেয় দিভিস্ত-রিপু

বজ্রী ! জয়, জয়, বীর, বীর-চূড়ামণি,
 দানব-কুল-শেখর ! যার প্রহরণে,—
 করী যথা কেশরীর প্রচণ্ড আঘাতে
 ত্যজি বন যায় দূরে,—স্বরীশ্বর আজি,
 ত্যজি স্বর, বিশ্বধামে ভ্রমিছে একাকী
 অনাথ ! হে দৈত্য-কুল, উজ্জ্বল গো এবে
 তুমি ! হে দানব-বালা, হে দানব-বধু,
 কর গো মঙ্গল ধনি দানব-ভবনে !
 হে মহি, হে মহীতল, তুমিও, হে দিব,
 আনন্দ-সাগরে আজি মজ, ত্রিভুবন !
 বাজাও মৃদঙ্গ রঞ্জে, বীণা, সপ্তস্বর—
 ছন্দুতি, দামামা, শৃঙ্গ, ভেরী, তুরী, বাঁশী,
 শঙ্খ, ঘণ্টা, ঝাঁঝরী । বরিষ ফুল-ধারা !
 কস্তুরী, চন্দন আন, কেশর, কুম্ভুম !
 কে না জানে দেব-বংশ পর-হিংসাকারী ?
 কে না জানে দুর্ষ্টমতি ইন্দ্র স্বরপতি
 অসুরারি ? নাচ সবে তার পরাভবে,
 মড়ক ছাড়িলে পুরী পৌরজন যথা ।”

মহানন্দে সুন্দ উপসুন্দাসুর বলী
 অমরারি, তুষ্টি যত দৈত্যকুলেশ্বরে
 মধুর সস্তাষে, এবে, সিংহাসন ত্যজি,
 উঠিলা,—কুম্ভমবনে ভ্রমণ প্রয়াসে,
 একপ্রাণ দুই ভাই—বাগর্থ যেমতি !

“হে দানব,” আরস্তিলা নিকুন্ত-কুমার
 স্তম্ভ,—“বীরদলশ্রেষ্ঠ, অমরমর্দন,
 যার বাহু-পরাক্রমে লভিয়াছি আমি
 ত্রিদিববিভব ; শুন, হে সুরারি রথী-
 ব্যূহ, যার যাহা ইচ্ছা, সেই তাহা কর ।
 চিরবাদী রিপু এবে জিনিয়া বিবাদে
 ঘোরতর পরিশ্রমে, আরাম সাধনে
 মন রত কর সবে ।” উল্লাসে দনুজ,
 শুনি দনুজেন্দ্র-বাণী, অমনি নাদিল ।
 সে ভৈরব-রবে ভীত আকাশ-সমুবা
 প্রতিধ্বনি পলাইলা রড়ে ; মুচ্ছা পায়ে
 খেচর, ভূচর-সহ, পড়িল ভূতলে ।
 থরথরি গিরিবর বিক্র্য মহামতি
 কাঁপিলা, কাঁপিলা ভয়ে বসুধা স্তম্ভরী !
 দূর কাম্যবনে যথা বসেন বাসব,
 শুনি সে ঘোর ঘর্ঘর, ত্রস্ত হয়ে সবে,
 নীরবে এ ওঁর পানে লাগিলা চাহিতে ।
 চারি দিকে দৈত্যদল চলিলা কোতুকে,
 যথা শিলীমুখ-বৃন্দ, ছাড়ি মধুমতী
 পুরী, উড়ে ঝাঁকে ঝাঁকে আনন্দে গুঞ্জরি
 মধুকালে, মধুতৃষা তুষিতে কুসুমে ।

মঞ্জু কুঞ্জ বানাব্রজরঞ্জন দুজন
 অমিলা, অশ্বিনী-পুত্র-যুগ সম রূপে

অনুপম ; কিম্বা যথা পঞ্চবটী-বনে
রাম রামানুজ,—যবে মোহিনী রাক্ষসী
সূৰ্পগথা, হেরি দৌহে, মাভিল মদনে !

ভ্রমিতে ভ্রমিতে দৈত্য আসি উতরিল
যথায় ফুলের মাঝে বসি একাকিনী
তিলোত্তমা । সুন্দপানে চাহিয়া সহসা
কহে উপসুন্দাসুর,—“ কি আশ্চর্য্য, দেখ—
দেখ, ভাই, পূর্ণ আজি অপূৰ্ণ সৌরভে
বনরাজী ! বসন্ত কি আবার আইল ?
আইস দেখি কোন্ ফুল ফুটি আমোদিছে
কানন ? উত্তরে হাসি সুন্দাসুর বলী,—
“রাজ-সুখে সুখী প্রজা ; তুমি আমি, রথি,
সমাগরা বসুধারে দেবালয় সহ
ভুজবলে জিনি, রাজা ; আমাদের সুখে
কেননা সুখিনী হবে বনরাজী আজি ?”

এই কপে দুই জন ভ্রমিলা কৌতুকে,
না জানি কালকপিণী ভুজঙ্গিনী কপে
ফুটিছে বনে সে ফুল, যার পরিমলে
মত্ত এবে দুই ভাই, হায়রে, যেমতি
বকুলের বাসে অলি মত্ত মধুলোভে !

বিরাজিছে ফুলকুল মাঝে একাবিনী
দেবদূতী, ফুলকুল-ইন্দ্রাণী যেমতি
নলিনী ! কমল-করে আদরে রূপসী

ধরে যে কুমুম, তার কমনীয় শোভা
 বাড়ে শতগুণ, যথা রবির কিরণে
 মণি-আভা ! একাকিনী বসিয়া ভাবিনী
 হেন কালে উতরিল দৈত্যদ্বয় তথা ।

চমকিলা বিধুমুখী দেখিয়া সম্মুখে
 দৈত্যদ্বয়ে, যথা যবে ভোজরাজ্যলা
 কুন্তী, দুর্কাসার মন্ত্র জপি সুবদনা,
 হেরিলা নিকটে হৈম-কিরীটী ভাস্করে !
 বীরকুল-চূড়ামণি নিকুম্ভ-নন্দন
 উভে ইন্দ্রসম রূপ—অতুল ভুবনে ।

হেরি বীরদ্বয়ে ধনী বিষয় মানিয়া
 এক দৃষ্টে দৌহাপানে লাগিল চাহিতে,
 চাহে যথা সূর্য্যমুখী সে সূর্য্যের পানে !

“কি আশ্চর্য্য, ৭ দেখ, ভাই,” কহিল শূরেন্দ্র
 স্তম্ভ ; “দেখ চাহি, ওই নিকুম্ভ মাঝারে ।
 উজ্জ্বল এ বন বুঝি দাবাগ্নিশিখাতে
 আজি ; কিম্বা ভগবতী আইলা আপনি
 গৌরী ! চল, যাই ত্বর, পূজি পদযুগ !
 দেবীর চরণ-পদ্ম-সঙ্গে যে সৌরভ
 বিরাজে, তাহাতে পূর্ণ আজি বনরাজী ।”

মহাবেগে দুই ভাই ধাইলা সন্যাসে
 বিবশ । অমনি মধু মন্থে সম্ভাষি,
 মূঢ়স্বরে ঋতুবর কহিলা সত্বরে ;—

“ হান তব ফুল-শর, ফুল ধনু ধরি,
 ধনুর্ধর, যথা বনে নিষাদ, পাইলে
 যুগরাজে ।” অন্তরীক্ষে থাকি রতিপতি,
 শরবৃষ্টি করি, দোঁহে অস্থির করিলা,
 মেঘের আড়ালে পশি মেঘনাদ যথা
 প্রহারয়ে সীতাকান্ত উর্মিলাবল্লভে ।

জর জর ফুল-শরে, উভয়ে ধরিলা
 কপসীরে । আচ্ছন্নিল গগণ সহসা
 জীমূত ! শোণিত বিন্দু পড়িল চৌদিকে !
 ঘোষিল নির্ঘোষে ঘন কালমেঘ দূরে ;
 কাঁপিলা বসুধা ; দৈত্য-কুল-রাজলক্ষ্মী,
 হায়রে, পুরিলা দেশ হাহাকার রবে !

কামমদে মত্ত এবে উপসুন্দাসুর
 বলী, সুন্দাসুর পানে চাহিয়া কহিলা
 রোষে ; “ কি কারণে তুমি স্পর্শ এ বামারে,
 ভাত্বধু তব , বীর ? ” সুন্দ উত্তরিল—
 “ বরিনু কন্যায় আমি তোমার সম্মুখে
 এখনি ! আমার ভার্য্যা গুরুজন তব ;
 দেবর বামার তুমি ; দেহ হাত ছাড়ি । ”

যথা প্রস্থলিত অগ্নি আহতি পাইলে
 আরে, জ্বলে, উপসুন্দ—হায়, মন্দমতি—
 মহাকোপে কহিল—“ রে অধর্ম-আচারি’
 কুলাঙ্গার, ভাত্বধু মাতৃসম মানি ;

তার অঙ্গ পরশিস্ অনঙ্গ-পীড়নে ?”

“ কি कहিলি, পামর ? অধর্মাচারী আমি ?

কুলাঙ্গার ? ধিক্ তোরে, ধিক্ ছুষ্টমতি,

পাপি ! শৃগালের আশা কেশরীকামিনী

সহ কেলি করিবার, ওরে রে বর্ষর !”

এতেক कहিয়া রোষে নিকোষিলা অসি

সুন্দাসুর, তা দেখিয়া বীরমদে মাতি,

ইহঙ্কারি নিজ অঙ্গ ধরিলা অমনি

উপসুন্দ,—গ্রহ-দোষে বিগ্রহ-প্রয়াসী ।

মাতঙ্গিনী-প্রেম-লোভে কামার্ভ যেমতি

মাতঙ্গ যুঝয়ে, গহন কাননে

রোষাবেশে, ঘোররণে কুঙ্কণে রণিলা

উভয়, ভুলিয়া মরি, পূর্ব কথা যত !

তমঃসম জ্ঞান-রবি সতত আবরে

বিপত্তি ! দোঁহার অঙ্গে ক্ষত দুই জন,

তিতি ক্ষিতি রক্তস্রোতে পড়িলা ভূতলে ।

কতক্ষণে সুন্দাসুর চেতন পাইয়া,

কাতরে कहিল চাহি উপসুন্দ পানে ;

“কি কৰ্ম করিনু, ভাই, পূর্বকথা ভুলি ?

এত যে করিনু তপঃ ধাতায় তুষিতে ;

এত যে যুঝিনু দোঁহে বাসবের সহ ;

এই কি তাহার ফল ফলিল হে শেষে ?

বালিবন্ধে সোধ, হায়, কেন নির্মাইনু

এত যত্নে ? কাম-মদে রত যে দুর্মতি,
সতত এ গতি তার বিদিত জগতে ।
কিন্তু এই দুঃখ, ভাই, রহিল হে মনে—
রণক্ষেত্রে শত্রু জিনি, মরিলু অকালে
মরে যথা যুগরাজ পড়ি ব্যাধ-যাঁদে ।”

এতেক কহিয়া, হায়, সুন্দাসুর বলী,
বিষাদে নিশ্বাস ছাড়ি, শরীর ত্যজিলা
অমরারি, যথা মরি, গান্ধারীনন্দন,
নরশ্রেষ্ঠ, কুববংশ ধ্বংস গণি মনে,
যবে ঘোর নিশাকালে অশ্বখামা রথী
পাণ্ডব-শিশুর শির দিলা রাজহাতে !

মহা শোকে শোকী তবে উপসুন্দ বলী
কহিলা ; “ হে দৈত্যপতি, কিসের কারণে
লুটায় শরীর তব ধরণীর তলে ?
উঠ, বীর, চল পুনঃ দলিগে সমরে
অমর ! হে শূরমণি, কে রাখিবে আজি
দানব কুলের মান, তুমি না উঠিলে ?
হে অগ্রজ, ডাকে দাস চির অনুগত
উপসুন্দ ; অল্প দোষে দোষী তব পদে
কিন্ধর ; ক্ষমিয়া তারে, হে বাসবজয়ি,
লয়ে এ বামারে, ভাই, কেলি কর উচি !”

এই রূপে বিলাপিয়া উপসুন্দ রথী,
অকালে কালের হস্তে প্রাণ সমর্পিলা

কৰ্মদোষে ! শৈলাকারে রহিলা ছুজনে
ভূমিতলে, যথা শৈল—নীরব, অচল ।

সমরে পড়িল দৈত্য । কন্দর্প অমনি
দর্পে শঙ্খ ধরি ধীর নাদিল গম্ভীরে ।
বহি সে বিজয়নাদ আকাশ-সম্ভবা
প্রতিধনি, রড়ে ধনী ধাইলা আশুগা
মহারঞ্জে । তুঙ্গশৃঙ্গে, পর্বতকন্দরে,
পশিল স্বর-তরঙ্গ । যথা কাম্যবনে
দেব-দল, কতক্ষণে উতরিল তথা
নিরাকারা দূতী ! “উঠ,” কহিলা সুন্দরী,
“ শীঘ্র করি উঠ, ওহে দেবকুলপতি !
ভ্রাতৃভেদে ক্ষয় আজি দানব দুর্জয় ।”

যথা অগ্নি-কণা-স্পর্শে বারুদ-কণিক-
রাশি, ইরম্মদ রূপে, উঠয়ে নিমিষে
গরজি পবন মার্গে, উঠিলা ভেমতি
দেবসৈন্য শূন্যপথে ! রতনে খচিত
ধ্বজদণ্ড ধরি করে, চিত্ররথ রথী
উন্মীলিলা দেবকেতু কোতুকে আকাশে ।
শোভিল সে কেতু, শোভে ধূমকেতু যথা
তারশির,—তেজে ভস্ম করি সুররিপু !
বাজাইল রণবাদ্য বাদ্যকর-দল
নিক্রমে । চলিলা সবে জয়ধনি করি ।
চলিলেন বায়ুপতি, খগপতি যথা।

হেরি দূরে নাগহৃন্দ—ভয়ঙ্কর গতি ;
 সাপটি প্রচণ্ড দণ্ড চলিলা হরষে
 শমন ; চলিলা ধনুঃ টঙ্কারিয়া রথী
 সেনানী ; চলিলা পাশী ; অলকার পতি,
 গদা হস্তে ; স্বর্ণরথে চলিলা বাসব,
 ত্রিষায় জিনিয়া ত্রিষাম্পতি দিনমণি ।
 চলে বাসবীয় চমু জীমূত যেমতি
 ঝড়সহ মহারড়ে ; কিম্বা চলে যথা
 প্রমথনাথের সাথে প্রমথের কুল
 নাশিতে প্রলয়কালে, ববস্বম রবে—
 ববস্বম রবে যবে রবে শিঞ্জাধনি !

ঘোর নাদে দেবসৈন্য প্রবেশিল আসি
 দৈত্যদেশ । যে যেখানে আছিল দানব,
 হতাশ তরাসে কেহ, কেহ ঘোর রণে
 মরিল ! নুহূর্তে, আহা, যত নদ নদী
 প্রস্রবণ, রক্তময় হইয়া বহিল !
 শৈলাকার শব রাশি গগণ পরশে ।
 শকুনী গৃধিনী যত—বিকট মূরতি—
 যুড়িয়া আকাশদেশ, উড়ে ঝাঁকে ঝাঁকে
 মাংসলোভে । বায়ুসখা সূখে বায়ুসহ
 শত শত দৈত্যপুরী লাগিলা দহিতে ।
 মরিল দানব-শিশু, দানব-বনিতা ।
 হায় রে যে ঘোর বাত্যা দলে তক-দলে

বিপিনে, নাশে সে মুঢ় মুকুলিত লতা,
কুসুম-কাঞ্চন-কান্তি ! বিধির এ লীলা ।

বিলাপী বিলাপধ্বনি জয়নাদ সহ
মিশিয়া, পূরিল বিশ্ব ভৈরব আরবে !
কত যে মারিলা যম কে পারে বর্ণিতে ?
কত যে চূর্ণিলা, ভাঙ্গি তুঙ্গ শৃঙ্গ, বনী
প্রভঞ্জন ;—ভীক শরে কত যে কাটিল
সেনানী ; কত যে যুথনাথ গদাঘাতে
নাশিলা অলকানাথ ; কত যে প্রচেতা
পাশী ; হায়, কে বর্ণিবে, কার সাধ্য এত ।

দানব-কুল-নিধনে, দেব-কুল-নিধি
শচীকান্ত, নিতান্ত কাতর হয়ে মনে
দয়াময়, ঘোর রবে শঙ্খ নিনাদিলা
রণভূমে । দেবসেনা, ক্ষান্ত দিয়া রণে
অমনি, বিনতভাবে বেড়িলা বাসবে ।

কহিলেন সুনাসীর গস্তীর বচনে ;—
“সুন্দ-উপসুন্দাসুর, হে শূরেন্দ্র রথি,
অরি মম, যমালয়ে গেছে দৌহে চলি
অকালে কপালদোষে । আর কারে ডরি ?
তবে যথা প্রাণিহত্যা কর কি কারণে ?
নীচের শরীরে বীর কভু কি প্রহারে
অস্ত্র ? উচ্চ ভক—সেই ভঙ্গ ইরন্দে ।
যাক্ চলি নিজালয়ে দিতিসুত যত ।

বিষহীন ফণী দেখি কে মারে তাহারে ?
 আনহ চন্দনকাষ্ঠ কেহ, কেহ ঘৃত ;
 আইস সবে দানবের প্রেতকর্ম করি
 যথা বিধি । বীর-কুলে সামান্য সে নহে,
 তোমা সবা যার শরে কাতির সমরে !
 বিশ্বনাশী বজ্রাগ্নিরে অবহেলা করি,
 জিনিল যে বাহু-বলে দেবকুলরাজে,
 কেমনে তাহার দেহ দিবে সবে আজি
 খেচর ভূচর জীবে ? বীরশ্রেষ্ঠ যারা,
 বীরারি পূজিতে রত সতত জগতে !”

এতেক কহিলা যদি বাসব, অমানি
 সাজাইলা চিতা চিত্ররথ মহারথী ।
 রাশি রাশি আনি কাষ্ঠ সুরভি, ঢালিলা
 ঘৃত তাহে । আদি শুচি— সর্ব শুচিকারী—
 দহিলা দানব দেহ । অনুমৃত্য হয়ে,
 সুন্দ উপসুন্দাসুর মহিষী কপসী
 গেলা ব্রহ্মলোকে,—দোঁহে পতিপরায়ণা ।


তবে তিলোত্তমা পানে চাহি সুরপতি
 জিষ্ণু, কহিলেন দেব মুচ্ছ মন্দস্বরে ;—
 “ তারিলে দেবতাকুলে অকূলপাথারে
 তুমি ; দলি দানবেন্দ্রে তোমার কল্যাণে,
 হে কল্যাণি, স্বর্গলাভ আবার করিনু ।
 এ মুখ্যাতি তব, সতি, ঘুঘিনে জগতে

চির দিন । যাও এবে .(বিধির এ বিধি)
 সূর্যালোকে , স্মখে পশি আলোক সাগরে,
 কর বাস, যথা দেবী কেশব বাসনা,
 ইন্দুবদনা ইন্দ্রিরা—জলধির তলে । ”

চলি গেলা তিলোত্তমা—তারাকারা ধনী—
 সূর্যালোকে । সুর সৈন্য সহ সুরপতি
 অমরাপুরীতে হর্ষে পুনঃ প্রবেশিলা ।

ইতি শ্রীতিলোত্তমাসম্ভব-কাব্যে বাসব-বিজয়ো নাম
 চতুর্থ সর্গ ।

গ্রন্থ সমাপ্ত ।



1

